

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
MAY 25 1940

2 2

T 3150/7256.81

6



舊西陽曲志

卷之十三  
十四上

張氏珍藏

字明德  
號靜山  
晉陽人  
平順街



南縣志卷之十三

雜述志

哈爾濱大學圖書館藏

戴夢熊曰國有金匱石室之文家有著書立言之  
學性見稗官野記摭據成錄藏諸名山亦堯不  
如路史拾遺圖續編乎其言之矣然懼其遠而  
華而靡實也列禦寇曰帝王之事或隱或顯億  
識一官身之事或聞或見萬不識一目前之事  
存或廢于不識一苟有所識而弗傳猶之乎木  
也爰取耳目親記有關世道者著之篇庶藉軒氏



縣志卷之十三

雜述志

戴夢熊曰國有金匱石室之文家有著書立言之  
學性見稗官野紀摺據成錄藏諸名山亦克不朽  
如路史拾遺固纒纒乎其言之矣然懼其遠而誣  
華而靡實也列禦寇曰帝王之事或隱或顯億不  
識一當身之事或聞或見萬不識一目前之事或  
存或廢千不識一苟有所識而弗傳猶之乎不識  
也爰取耳目覩記有關世道者著之篇庶輶軒氏

哈佛大學漢和  
圖書館珍藏印



有所採乎作雜述志

目錄計三條

一帝后

幸而封建

叢紀

學於長

漢書

帝后

帝后

戴夢熊曰陽曲邑也何為志帝后曰遡舊也遡舊則陽曲非邑也雖然今之陽曲亦非僅邑也邑而郡邑而省並不必遡舊也歷稽往代或建都或竊據或發跡皆此陽曲也既為陽曲矣何弗志乃亦有偶爾遊幸者並登史簡何也曰車駕所至民被澤焉尚有廟祀不絕者如之何不志也志帝后

漢文帝

諱恒高祖中子太后薄氏出初立為代王都中都高后崩諸呂為亂大臣共誅之乃相與

謀立代王奉天子璽迎之代王數讓羣臣固請乃奉法駕即位在位二十三年嘗幸太原賞賜故舊



羣臣賜里民牛酒復晉陽中都民三歲留飲十餘日故晉人立廟祀之廟在府城東北

北齊文宣帝

諱洋姓高神武帝歡第二子母武明太后生洋於晉陽一名晉陽樂魏封太原

郡公進封齊王洋自居晉陽寢室每夜有光如晝後受魏禪都於鄴以太原為義旗初起地詔復三年冬十月入晉陽宮曲赦并州太原郡晉陽縣及相國府四獄囚十年十月暴崩於晉陽宮德陽堂時年三十一葬於武寧陵諡文宣廟號顯祖

廢帝

諱殷字正道文宣帝長子母李皇后天保元年立為皇太子時年六歲溫裕開朗有人君

之度文帝崩即位於晉陽宣德殿乾明元年武明太皇太后令廢為濟南王以常山王演入纂大統皇建二年殂於晉陽時年十七葬於武寧陵諡閔悼王

昭帝

諱演神武第六子文宣帝母弟武明皇太子早所愛重廢少帝殷立之即位於晉陽宣德

北討庫莫奚出長城敵奔遁分兵致討大獲馬括總入晉陽崩於晉陽宮時年二十七諡曰孝昭葬於文靖陵初演與濟南約不相害乃密行鴆毒濟南不從扼而殺之後演在晉陽宮與毛夫人見文宣從楊惜燕子獻等言相與復讎病漸危篤太后視疾問濟南所在者三演不對太后怒曰殺去耶不用吾言死其宜矣臨終唯蒲伏牀枕叩頭求哀長廣王入纂大統手書云宜將吾妻子置一好處勿學前人也

後主

諱緯武成帝長子母胡皇后夢於海上坐玉盆日入裙下遂有娠生緯於并州邸天統元年

即位於晉陽宮以晉陽大明殿成大赦文武百官進二級免并州居城太原一郡來年租四年詔掖廷晉陽中山宮人等及并州太官官口二處其年六十以上及有癯患者仰所司簡放隆化元年安德王延宗即皇帝位於晉陽改隆化為德昌元年與周師戰於晉陽大敗為周師所獲



唐高祖神堯皇帝

姓李氏諱淵隴西成紀人隋末天下亂豪傑竄起各僭位號於四方

淵次子秦王世民乃謀起義於晉陽淵曰今日破家滅軀亦由汝化家為國亦由汝於是受恭帝禪國號大唐舉晉陽精兵掃除亂略六年遂定海內在位九年壽七十一

太宗皇帝

諱世民高祖次子長建成叔法霸早逝季元吉世民器量特異年四歲有書生

見曰龍鳳之姿天日之表其年幾冠必能濟世安民因名之高祖守太原晉陽令劉文静見世民異之語宮監裴寂曰命世才也文静坐與李密昏繫獄世民省之文静與謀大事且曰今羣盜萬數有真主可驅而用之太原民皆避盜入城某為令數年知其豪傑收集可得千萬人尊公所將兵復數萬以此入關不過半年帝業成矣世民遂與裴寂說高祖起兵九日拔西河宋老生拒於霍邑會久雨乏糧欲引還世民諫不聽繼泣諫曰兵以義勸進則克退則散亡無日矣高祖悟尋霽糧亦至

生克霍邑欲入關

未幾世民田兵貴神速乘

之威聖風震駭智不及謀勇不及斷取之若葉耳於是克長安受隋禪唐有天下皆其功也擢為天策上將開文學館延房杜等十八人為學士與選者人謂之登瀛洲武德九年殺太子建成齊王元吉立世民為太子傳位二十三年崩壽五

十三歲

唐莊宗

諱存勗晉王克用長子克用破王行瑜使存勗獻捷於京師昭宗異其狀貌賜以鸚鵡

尾翡翠盤撫其背曰兒有奇丰後當富貴無忘予家及長善騎射膽勇過人稍習春秋大義克用卒存勗方哀哭未及見將士張承業入曰大孝在不墜基業多哭何為因扶存勗出即晉王位於太原大會諸將謀曰上黨河東之藩蔽無上黨是無河東也出其不意破之必矣取威定霸在此一舉遂進兵直抵夾寨大敗梁兵梁王聞夾寨不守驚嘆曰生子當如李亞子克用為不死矣吾兒豚犬



耳後與梁大戰數百卒滅梁踐天子祚國號大唐  
尊晉王為太祖武皇帝立廟於太原自唐高祖太  
宗懿宗昭  
宗為七廟

### 後晉高祖皇帝

姓石諱敬瑭本出於西人為入沉厚  
寡言明宗愛之妻以女隸明宗帳下

梁將劉鄩攻清平圍莊宗敬瑭以千餘騎橫槊馳  
擊敗之莊宗壯之手喙以酥由是名動軍中明宗  
即位拜為保義軍節度使歷拜河東節度使大同  
彰國振武威塞等軍番漢馬步軍總管愍帝即位  
加中書令復鎮太原廢帝即位疑敬瑭必反徙鎮  
天平敬瑭不受命曰先帝授吾太原使老焉今無  
故而遷是疑吾反也於是上表論廢帝不當立請  
立許王從益為明宗嗣廢帝下詔削敬瑭官爵命  
張進達討之敬瑭求援於契丹許以十六州地契  
丹自鴈門入至太原遣人請敬瑭敬瑭報曰皇帝  
是時要在成功契丹遂敗進達軍曰吾三十里  
步軍營在彼軍乃築壘晉城南册立敬瑭即皇帝

曰晉

### 漢高祖皇帝

姓劉氏初名知遠其先沙陀部人世  
居太原晉高祖與梁兵戰得勝馬甲

斷梁兵及知遠以所乘馬援之復取高祖馬殿  
而還高祖德之及高祖即位於太原以知遠為侍  
衛親軍都虞侯領保義軍節度使出帝立拜中書  
令封太原王又封平北王契丹犯京師出帝北遷  
張彥威等上牋勸進即皇帝位於晉陽立李氏為  
皇后以漢高皇帝為高祖光武皇帝為世祖皆不  
祧

### 北漢神武皇帝

諱旻高祖即帝位以旻為太原尹隱  
帝少立政在郭威聽判官鄭珙迺罷

上供征賦收豪傑籍下民以益兵郭威弒隱帝復  
殺贊旻乃即皇帝位於太原惡周之殺贊也乞兵  
於契丹契丹助兵以攻周潞州兵敗於高平又被  
周師進追圍城以憂得疾卒旻嘗謂張元徽等曰



吾以高祖之業贊之寃義不為郭公屈耳期與公等勉力以復家國之仇至於稱帝一方豈獲已耶子承鈞立宋太祖因界上謀者謂承鈞曰君家與周氏世為讐宜其不屈今我與爾無所問何為困此一方之人若有志於中國宜下太行以決勝負承鈞遣謀者復命曰河東土地甲兵不足以當中國之十一然承鈞家世非叛者區區守此蓋懼漢氏之不血食也太祖哀其言故終其世不加兵承鈞卒養子繼恩立薛氏子為供奉官侯霸榮等刺死繼元立何氏子俱是女所生繼元為人忍是子十餘人皆為所殺又縊殺其母郭氏於承鈞柩前劉氏子孫無遺類矣太宗皇帝立繼元出降封彭城公

漢薄太后

漢文帝母父兵人姓薄氏與故魏王宗家立為魏王魏媼內其女於魏宮約初與漢擊楚父問許負言心獨喜因疑漢

高祖入織室凡后色內入後宮后一夕夢蒼龍掛腹以自上上曰此貴徵也吾與爾成之後有娠生子是為文帝封於代后從焉呂后崩諸呂為亂大臣共誅之迎文帝於代立為天子備法駕迎后尊為皇太后陽曲北三十里村名皇后園相傳為后遊幸地而保德有娘娘灘謂后駐蹕於此土人立廟至今祀之

晉袁靖皇后

太原晉陽人司徒左長史濛之女后幼母爰氏為安國鄉君后在位三年無子興寧二年崩

北齊武明皇后

代人司徒內于女少明悟強族聘之皆不從及見神武城上執役驚曰真吾夫也乃使婢致意又數致私財使以聘已父母不得已許焉神武既有澄清之志傾產以結英豪密謀秘策后恒參預神武逼於蠕蠕欲娶其女而未决后曰國家大計願不疑也及蠕蠕公主至后



避正室處之慈愛諸子不異已出弟昭以功名自達未嘗私請爵位文宣受魏禪尊為皇太后孝昭與后密謀下令廢濟南孝昭即位復為皇太后四月崩時年六十二合葬義平陵太后凡孕六男二女皆感夢孕文襄則夢一斷龍孕文宣則夢大龍首尾屬天地張口動目勢狀驚人孕孝昭則夢龍於地孕武城則夢龍浴於海孕魏二后並夢月入懷孕襄城博陵二王夢鼠入衣下

### 後晉高祖皇后

李氏唐明宗皇帝女后初號永寧公主自廢帝立常疑高祖及三年公主

自太原入朝千秋節辭歸廢帝醉語公主曰爾歸何速欲與石即反耶及高祖即位公主當為皇后以宗廟未立謙抑未遑迄高祖終無冊命出帝立冊尊為太后為人彊敏高祖常嚴憚之出帝馮皇后用事太后數訓誡之出帝不從及於敗耶律德光封帝為負義侯遷於黃龍府使人謂太后曰吾聞重貴不從母教至於此可求自便勿與偕行太后答曰重貴事妾甚謹所失者違先君之志絕

國之歡然重貴北去母不從子欲何所歸竟隨北行至黃龍府累徙於建州寢疾謂出帝曰我死焚其骨送范陽佛寺無使我為北地鬼也遂卒

### 後漢高祖皇后

李氏晉陽人其父為農高祖少為軍卒牧馬晉陽夜入其家劫取之生隱

帝高祖起兵太原賞軍士帑藏不足欲斂於民后諫曰方今起事號為義兵民未知惠而先奪其財殆非新天子所以救民之義也今後宮所有請悉出之雖不足亦不以為怨高祖改容謝之即位冊為皇后隱帝立冊尊為皇太后周太祖起兵嚮京師隱帝欲出自臨兵太后止之曰郭威本吾家人以詔諭威則君臣之際庶幾尚全隱帝不從遂及於難周太祖立請事太后如母上尊號曰昭聖皇太后

### 蜀李皇后

蜀帝孟昶母晉王李克用弟克讓之女克用以后妻昶父孟知祥莊宗時知祥為西



川節度使後即皇帝位於蜀子景嗣位後降於宋  
太祖后從至京師為人明辨甚見優禮詔書稱為  
國母嘗召見勞之曰母善自愛無戚戚思蜀他日  
當送母歸后曰妾本家太原儻得歸老故鄉不勝  
大願景至京師七日而卒后不哭以酒酹地祝曰  
汝不能死社稷苟生以取羞吾所以忍死者以女  
在也吾今何用生  
為因不食而卒

### 封建

戴夢熊曰歷代迭興必建國以封本支所以敦親  
親之誼也然亦有豐功偉烈異姓之臣而裂土以  
封者總欲以屏藩王國耳三晉古稱雄都分封頗  
繁今但取其繫本郡本邑者志之其他繫別郡邑  
者雖居本城不載也外此又有封於斯未蒞其地  
者亦並志之取其繫之乎本郡本邑云爾志封建

### 上古臺駘

少暉金天氏裔子昧為茲冥師生允格臺駘臺駘能業其官宣汾洮障大澤以處太

原顓頊嘉之封諸汾川沈如蓐黃皆其後今為汾河之神



唐堯 帝摯之弟初封於唐為唐侯即今太原故號陶唐

實沈 高辛氏二子伯曰閼伯季曰實沈各不相能帝堯遷閼伯於商丘主辰遷實沈於大夏主

參參晉 星也

周成王之弟王 即位之五年削桐葉為圭戲以封叔虞史佚以為王者無戲言遂封

叔虞於堯之 故墟曰唐侯

叔虞之子嗣封 因南有晉水更國名曰晉自叔虞而下十 四傳至潁侯為曲沃武公

所

趙侯籍 造父之後造父 封於趙城其後裔趙夙 晉獻公將生衰 事文公至烈侯籍始三

而 陽後從邯鄲武靈變 而 陽後從邯鄲武靈變

用趙都大敗於長平 至 繆而滅於秦

漢太原孝王 名參文帝諸姬子二年封為太原王 年徙為代王并得太原郡三十一縣為韓國

韓王 姓韓名信高祖以太原郡三十一縣為韓國 徙韓信王之都晉陽信以國被邊晉陽去塞

遠請治馬 邑許之

太原王 光武即位封其兄續之子章為太原王

魏晉陽侯 姓張名遼曹操時為將破袁紹敗孫權曹 丕立以功封

陽曲侯 姓郭名淮曹丕時為鎮西長史討平關中 叛人進封陽曲侯

晉太原成王 名輔安平王孚之子武帝受禪先封渤海王後徙為太原王

太原烈王 名瓌安平王孚之子武帝受禪封



陳太原王 名叔匡字子佐高宗第三十四子禎明三年封

元魏晉王 名伏羅太武帝子真君二年封

太原王 姓爾朱名榮以迎立莊帝功封

陽曲縣公 姓斛斯名椿以從爾朱榮征伐有功封

北齊太原王 名紹德文宣帝第三子天保初封

太原王 姓婁名昭武明皇后母弟追封

後周冀王 名通文帝子建德三年封

晉陽公 姓李名樹趙國公李弼弟以戰功封

太原郡公 姓王名思政以戰功封

晉王 名昭煬帝長子仁壽初封立為皇太子

唐太原王 名承宗建成長子早卒

晉王 名治太宗第九子初封晉王後立為太子即帝位

冀王 名絳順宗子貞元四年封

太原郡公 姓郭名知運以戰功封

晉國公 姓薛名稷睿宗時封

晉國公 姓裴名談以平章事封又裴垣裴度俱封裴識襲封

冀國公 姓裴名熙續以刑部尚書封子居道襲封又裴冕以靈武功封

五代晉王 名克用唐昭宗乾熙三年封子莊宗即皇帝位追封太祖



宋冀王

名儻神宗子初封景國公追封王

明晉王

名搆太祖第三子洪武三年封時年十三又

得還洪武十三年薨謚曰恭世子濟熿嗣靖難後  
 封濟熿弟濟熿平陽王濟炫慶成王濟熿子美圭  
 封晉世子濟熿狼戾失愛憾其父併憾濟熿不為  
 解喉慶成諸王日訴濟熿過於朝又誘府中官校  
 誣濟熿罪竟奪濟熿爵金廢美圭為庶人守恭王  
 園濟熿遂得嗣王益驕橫百方幽苦濟熿父子恭  
 王有老媪不能平走訴文皇立召獄中晉府承奉  
 左微問之盡知濟熿構濟熿狀即釋微馳驛召濟  
 熿父子時濟熿囚空室已十年左微者濟熿嘗言  
 其佐濟熿為逆逮治京師府中言微死久矣微至  
 一府大驚微入空室解濟熿縲紲相抱持大慟濟  
 熿自是怨望出悖語濟熿父子見上行在所濟熿  
 病憊甚上見之惻然不直濟熿遂封美圭為平陽  
 王俾奉父

美圭次濟熿奪不與美圭上聞仁宗再三諭濟熿  
 還美圭不從美圭言連伯淵地隸平陽不隸太原  
 因及向巫構事仁宗遣人視難果隸平陽又書諭  
 濟熿曰美圭父子困頓累年詩曰眷令在原兄弟  
 急難每用吟咏感念無已緬惟賢弟同吾此心又  
 書諭美圭曰朕諭晉王讓汝田兄弟叔侄本同一  
 氣任事叔益恭愛當憐汝濟熿得書又聞朝廷賜  
 濟熿王冠服遂廣致妖巫府中造咒咀事仁宗崩  
 又不服喪宜宗即位憐濟熿父子時時問勞濟熿  
 咒咀事益露踪跡自度罪不可解遣人結高煦謀  
 不軌日夜造兵器寧化王濟煥告變上曰勿洩擒  
 高煦又得濟熿與交通書上又曰勿洩濟熿固自  
 知益反側不安其所遣請高煦人又走京師首服  
 內使劉信又奏濟熿擅取屯糧十萬石給護軍欲  
 反應高煦并咒咀事寧化王又言濟熿毒殺其母  
 濟熿始懼辭王爵及護衛不聽遺書及勅符召濟  
 熿至示以諸所發奸逆狀濟熿伏地頓首言臣罪  
 萬死上書諭諸王曰去歲高煦反罪人既得奸黨



人皆言趙晉二王實與謀予未忍信今晉府人累上告變徐察之有驗不誣趙王自知事不可掩已辭護衛濟熿得罪宗社不敢以私親廢大義謹遵祖訓免為庶人屏之鳳陽誅其同謀及妖巫數人恭王妃在晉府者令美圭迎平陽奉養復濟熿晉王薨謚曰定美圭嗣王薨謚曰憲子鍾鉉嗣王薨謚曰莊世子奇源未及嗣王先薨世孫表榮未及嗣王亦先薨世曾孫知烺嗣王贈祖奇源為靖王父表榮為懷王知烺薨謚曰端無子新化端和王庶長子新興以姪嗣王新化王者晉靖王次子表謙也謚恭裕恭裕王子知節謚端和端和王二子長新興次新墻初端王薨而無子靖王庶子榮澤王表標與新化諸王皆王叔兄弟也曰嗣王者非新興即新墻然皆幼攝府事則我長王妃王氏曰晉王無後次及新化王新化王父子卒有孫新興在也即召入府拜几筵為後榮澤王上疏曰表叔父行願不得王新興端和王長子長子不得為人美新興宜嗣新化王新墻嗣晉王禮也疏下禮部

議新興宜嗣晉王俟服闋請封又言祖制統王絕郡王以序繼親王其郡王不復請繼封次子止封鎮國將軍新興得嗣晉王贈父為康王新興薨謚曰簡無嗣以倫序取新化鎮國將軍新墻長子輔國將軍慎鏡繼未襲封薨謚曰敬兄終弟及以輔國將軍慎鋹封王二年薨謚曰惠子敏淳幼推賢舉寧河王知火攝國五年而晉王封又輔理三年而王壯始當國政薨謚曰穆子求桂嗣王薨謚曰裕子審烜嗣王甲申二月初八日賊李自成破太原劫王北上國遂除

**陽曲王** 名美堃定王第三子正統二年分封後革王爵止襲管理府事



叢紀

戴夢熊曰紀何爲而云叢也從來載籍極博其所

論辨者多異說所傳聞者多異詞棄之不可故集

之然非樂於集異也天地之大古今之遙何說不

有何事不有何人何物不有別其類以名篇虞其

紛此叢紀之所由作也夫叢紀紀其有關於一邑

者可耳何爲益怪誕者不削曰辨論詳所以廣識

也遺事書所以備考也異聞錄所以博物也鑒戒

著所以懲惡也數者備而志事畢焉矣志叢紀



太原辨 詩云至於太原在雍州禹貢云既修  
地理志涇水出安定涇陽縣今原州百泉縣

山也此地東北至太原二千餘里山川險阻  
介其中似風馬牛不相及又禹貢原隰底績

引鄭氏云其地在今邠州唐有涇原節度使  
原州即唐原州故城詩人所云至於太原者

州而言非冀州之太原也朱子在南渡後未  
方偶傳

誤耳 冀并考 并州乃恒山以旁之郡帝舜始置分  
境者也周禮正北曰并州其鎮曰恒

秋元命苞曰管室流為并州分為衛國夫不  
水恒山為號而曰并者蓋以其在兩谷之間

地理誌并州所屬十郡而雲中定襄五原代  
已居其五西河朔方乃武帝新置之郡而漢

置五原則又得其六矣達於是者南不過上  
原西不過上郡總不出虞分之舊焉不謂

中而疆域之形及異矣何者漢以前之并并之全  
也十郡隸而北境過其半魏所置之并非并之全

也陘嶺以北舉棄之雖有新興之名而無其實矣

汾水源流 按水經注山海經曰北次二經之首其  
東首枕汾名曰管涔之山其上無草木

而下多玉。汾水出焉。而流注於河。十三州志曰出  
武州之燕京山。亦管涔之異名也。其山重阜修巖。

有草無木。泉源道於南麓之下。蓋稚水濛流耳。又  
西南夾岸連山。聯峯接勢。劉淵族子曜嘗隱居於

管涔之山。夜中忽有二童子入。跪曰。管涔山王使  
小臣奉謁。趙皇帝獻劍一口。置前再拜而去。以燭

視之。劍長二尺。光澤非常。背有銘曰。神劍服御除  
衆毒。曜遂服之。劍隨變為五色也。後曜遂為逆王

矣。汾水又南與東西溫谿合。溫谿水出右近谿聲  
流翼注水上。襟樹交蔭。雲垂煙接。自是水流潭漲

波襄轉泛。又南逕一城。東憑壩。積石側枕。汾水浴  
謂之代城。城又南出二城。間其城角倚翼枕。汾流

太原 涇陽 笄頭 黃河 黎傳 今固 至原 至北

冀北 山春 以衛 耳漢 馮門 末復 黨六



世謂之侯莫干城汾水又南逕汾陽縣故城東川  
 土寬平峘山夷水故地理志汾水出汾陽縣北山  
 西南流者也漢高祖十一年封斬彊為侯國復立  
 屯農積粟在斯謂之羊腸倉山有羊腸之坂在晉  
 陽西北石磴崇委若羊腸焉漢永平中治滹沱石  
 曰河按司馬彪後漢郡國志常山南行唐縣有石  
 曰谷蓋谷乘滹沱之水轉山東之費自都盧至羊  
 腸倉將憑汾以漕太原用實秦晉苦役連年轉運  
 所經凡三百八十九隘死者無筭拜鄧訓為謁者  
 監護水功訓隱知其難立具言肅宗肅宗從之全  
 活數千人和熹鄧后之立叔父以為訓積善所致  
 也羊腸即此倉也魏土地記曰秀容塞外人徙居  
 之立秀容護軍治沿水六十里南與酸水合酸水  
 出少陽之山東南流注於汾水汾水又南出山東  
 南流洛陰水注之洛陰水出新興都西流逕洛陰  
 城北又西逕孟縣故城南春秋左傳僖公二十八  
 年分祁氏七縣為大夫之邑以孟丙為孟大夫洛  
 陰水之西逕狼孟縣故城南王莽之狼調也左右

夾澗幽深南面大壑俗謂之狼馬澗舊斷澗為城  
 有南北門門闔故壁尚在洛陰水又西南逕陽曲  
 城北魏土地記曰陽曲塞外人寄居太原界置陽  
 曲護軍治其水西南流注於汾水汾水又南逕陽  
 曲城西南注也太原郡治晉陽城秦昭襄王三年  
 立尚書所謂既修太原者是也春秋說題詞曰高  
 平曰太原原端也平而有度廣延曰大鹵太原也  
 釋名曰地不生物曰鹵盧穀梁傳曰中國曰太原  
 尚書大傳曰東原底平大而高平者謂之太原群  
 取稱焉魏土地記曰城東有汾水南流水東有晉  
 便持節都督并州諸軍事鎮北將軍太原成王之  
 碑舊有梁清并殞於梁下預讓死於津側亦襄子  
 解衣之所在也汾水西逕晉陽城南舊有介子推  
 祠前有碑廟宇傾頽惟單碑獨存矣今文字剥落  
 無可尋也汾水又南逕梗陽縣故城東即今清源  
 縣不悉書

趙氏異徵

趙簡子疾五日不知人大夫皆懼醫扁  
 鵠視之出董安于問焉扁鵠曰血脉治



也而何怪昔秦繆公嘗如此七日而寤寤之日告公孫支與子輿曰我之帝所甚樂吾所以久者適有學也帝告我晉國將大亂五世不安其後將霸未老而死霸者之子且令而國男女無別公孫支書而藏之秦讒於是出矣獻公之亂文公之霸襄公敗秦師於殺而歸縱淫此子之所聞今主君之疾與之同不出三日疾必間間必有言也居二日半簡子寤語大夫曰我之帝所甚樂與百神遊於鈞天廣樂九奏萬舞不類三代之樂其聲動人心有一熊欲來授我帝命我射之中熊熊死又一羆欲來我又射之中羆羆死帝甚喜賜我二笥皆有副吾見兒在帝側帝屬我一翟犬曰及而子之壯也以賜之帝告我晉國且世衰七世而亡嬴姓將大敗周人於范魁之西而亦不能有也余思虞舜之勲適余將以其胄女孟姚配而七世之孫董安于受言而書藏之以扁鵲言告簡子簡子賜扁鵲田四萬畝他日簡子出有人當道辟之不去從者怒將亦之當道者曰吾欲有謂於主君從者以

簡子召之曰請吾有所一子也當道者曰吾在右頰有謁簡子屏人當道者曰主君之疾臣在帝側簡子曰然有之子之兒我何為當道者曰帝令主君射熊與羆皆死簡子曰是且何也當道者曰晉國且有大難主君首之帝令主君滅二卿夫熊與羆皆其祖也簡子曰帝賜我二笥皆有副何也當道者曰主君之子將克二國於翟皆子姓也簡子曰吾見兒在帝側帝屬我一翟犬曰及而子之長以賜之夫兒何謂以賜翟犬當道者曰兒主君之子也翟犬者代之先也主君之子且必有代及至君之後嗣且有革政而并二國於翟簡子問其姓名而廷之以官當道者曰臣野人致帝命耳遂不見簡子書藏之府○趙襄子奔保晉陽原過從而後至於王澤見三人自帶以上可見自帶以下不見與原過竹二節莫通曰為我以是遺趙無郵原過既至以告襄子齋三日親自剖竹有朱書曰趙無郵余霍泰山山陽侯天使也三月丙戌余將使女及滅知氏女亦立我百邑余將賜汝林胡之



地至於後世且有仇王亦黑龍面鳥喙鬚麋鬣類  
大膺大胸修下而馮左衽界乘奄有河宗至於休  
溷諸貉南伐晉別北滅黑  
姑襄子拜受三命之令

銅柱智伯將伐趙趙襄子曰柰無箭何張孟談曰  
董安于之治晉陽公宮之堂皆鍊銅為柱君

發而用之  
有餘金矣

晉陽槐木

晉陽都城北有槐木一日三榮三粹

大佛古寺

按集異記隋開皇中釋子澄空年甫二  
十誓願於汾西鑄像高七十尺焉鳩集

金炭細求用度周一十年物力乃辨於是告報還  
適大集賢愚然後選日而寫像焉及煙焰滅息啓  
爐之後其像無成澄空深自咎責稽首懺悔復堅  
前約再謀鑄造精勤艱苦又二十年事費復備則  
又告報還適大集賢愚然後選日而寫像焉及終  
爐又復無成澄空於是呼天求哀叩佛請罪大加

數挫深自勤勵又二十年功力復集乃告還適大  
集賢愚然後選日而寫像焉及期澄空乃登爐巔

百尺懸絕揚聲謂觀者曰吾少發誓願鑄為大像  
今年八十兩已不成此更不成則吾無身以終志

矣况經衆虛費積年如或踵前失吾亦無面目見  
衆善也吾今俟其啓爐欲於金液而捨命焉一以

謝懋於諸佛一以表誠於衆善倘大像圓滿後五  
十年吾當為建重閣耳聚觀萬衆號泣諫止而澄

空殊不聽覽俄而金液注射赫耀踴躍澄空於是  
辭謝投身如飛鳥而入焉及開爐鐵像莊麗端妙

毫髮皆備自是并州之人咸思啓閣以覆之而佛  
身洪大功用極廣自非殊力無自而致開元初李

嵩充天平軍節度使出遊因仰大像嘆曰如此好  
像而為風日所侵痛哉即施錢七萬緡周歲之內

而重閣成就只今北都謂之平等閣者是也計僧  
死像成之日至嵩正五十年矣以釋法推之則嵩

也得非澄空  
之後身歟



丹丘子

隋開皇末有老翁狀貌甚異詣神堯於晉陽曰隋氏將絕李氏將興天之所命其君

平神堯惕然自失翁曰隋氏無聞前代繼周而興事踰晉魏雖平定南土蓋為君驅除天將有所啓

耳又曰公應天受命當不勞而定但在丹丘子之後然丹丘先生疑情物外恐不復以世網累心倘

或俯就公若不相持於中原當為其佐神堯曰先生安在翁曰隱居鄆杜間神堯遂袖劍詣焉至則

伏謁於苦宇下先生據牀曰吾久厭濁世汝羶於時者顯晦既殊幸無見忌神堯愕然謝之而還

敬德錢庫 隋末有書生居太原苦於家貧以教授數萬貫遂欲携挈有金甲人持戈曰汝要錢可取

尉遲公帖來此是尉遲敬德錢也書生訪至鐵冶處有煨鐵尉遲敬德者方袒露蓬首生前拜之敬

德問曰何故曰向足下乞錢五百貫公怒曰某打鐵人安得如許錢書生曰但賜一帖何如公不為

已書帖後署年月與之書生持帖至某處取錢五百貫

是也令繫於梁上高處遣書生取錢五百貫後敬德佐神堯立殊功請歸鄉里勅賜錢一庫闕

簿欠五百貫將罪主者忽於梁上得帖子敬德視之乃與書生帖焉敬德嘆者累日因訪書生陳所

見仍以庫物分惠故舊

梁公針術

狄梁公性嫻醫藥尤妙針術顯慶間應制入關路由華州閿闔之北稠人廣眾

聚觀如堵梁公引轡遙望有巨碑大字云能療此兒酬絹千疋既就觀之有富室兒年可十四五卧

碑下鼻端生贅大如拳石根蒂綴鼻纔如食筋或觸之酸疼刻骨於是兩眼為贅所繩目睛翻白痛

楚危極頃刻將絕惻然久之乃曰吾能為也其父母洎親屬叩顙祈請即輦千絹置於座側梁公因

令扶起即於腦後下針寸許仍詢病者曰針氣已達病處乎病人頷之遂抽針疣贅應手而落雙目

如初曾無病痛其父母親眷且泣且拜以縑物奉焉梁公笑曰吾哀爾病之危篤吾蓋急病行志耳



吾非鬻技者  
也不顧而去

黑青為妖

正德六年六月民間訛言黑青至有物如飛鳶夜入人家破體膚則黃水出

其形或如驢或如狗黑氣蒙之民間恐怖夜擊銅鐵以自衛通宵不寐十餘日乃息隆慶初石州破黑青復見○按宋史哲宗時黑青見於禁中又曰黑漢腥氣觸人其形硜硜然有聲與此不同愚意流賊殺掠之後其冤抑之氣驚怖之聲發而為妖非若宋時之黑青也

忠節受誣

嘉靖乙未四月二十七日巡撫麾下標兵王慶賈壽等作亂尋撲滅之按標兵

之設始於平涼趙公時春其人率豪猾悍鮮衣怒馬月支大小糧例夏秋之時草木茂盛馬草料暫停而惟標下親丁獨不然巡撫葛公縉以兵興費絀議減標兵糧如常例衆心既戚又將之者非統馭才一夕鼓譟而起剽掠城市焚劫公府祭將高鵬掌兵事首追脅之高不為動刺殺之時遊擊

畢文非繫大盈倉又脇之不從罵不輟口持桌

擊賊不勝而死都司鄭印者聞變橫刃步出大呼

左袒三衛甲士四集麾下討賊於市盡殲焉不崇朝而定時當事者畏朝廷譴問籍口高軍以自解未幾鄭以靖亂陞而畢公之義久不宣居數歲少司馬南昌萬公為巡撫知其事詢諸士民良信檄下有司祠畢公於北門之月城而高公之枉死至今不自兩朝憲章錄嘉隆聞見紀按葛使奏書以為實豈不冤哉當時有耳目之而無片字聞永陵忠乎義乎漸滅盡矣余聞標兵之叛也始於張展說水滸傳其撲滅之易也成於杜學詩之告變人但謂因削糧故反不知反叛已定削亦反不削亦反

救荒八議

嘉靖八年太原大饑饑莩載道參政王尚綱上救荒八議一日愍饑饉乞遣使

行部問民疾苦二日卹暴露乞有司祭瘞稍釋厲氣三日救貧民乞支散廩積秋成補還四日停徵



欽乞截日住徵以俟豐年五日信告令乞勸分菽粟六日推糴買乞令無閉邊七日謹預備乞申舊例措處積貯勿使庾廩空虛八日恤流亡乞所過州縣加意存恤勿使羣聚思亂嘉靖四十年復荒知府於公惟一獲竊盜日饑民給小票釋放令省改僉事王公喬年第一日盜輒令隸卒引至吊橋下折其腿骨寬嚴金濟民賴以寧

白蓮大獄

李福達崞縣人初以妖賊王良謀反連坐發戍山丹衛迺還改名李五寓陝西

洛川縣倡彌勒佛教愚民被其狂惑爭出財帛以聽指使福達使邵進祿等於某處某處聚眾相俟乃携貲潛歸山西進祿等事露因捕急遂與眾作亂久之捕獲供稱李五首謀福達聞之竄居五臺易姓名曰張寅已又携重貲入京竄入匠籍輸粟為太原衛指揮潛住同戈驛其仇薛良首發之先後輟訊者代州知州杜蕙胡偉証之者李景全等凡三千人具獄上按察使徐文莊布政使李璋復

上巡按張英皆如訊獨巡撫畢昂謂福達果張否及其獄以居民歲廣等為証坐良証告罪繫

尋畢昭乞侍養去御史馬錄按山西復窮治之與巡撫江湖考訊如前語大逆獄成先是寅在京

寓武定侯郭勛所為勛燒煉至是勛為關說錄潮並劾勛黨逆宜金治左都御史聶賢等亦言福達

煽亂郭勛通賊宜並坐得旨令勛對狀具服謝罪上特宥之已而給事中程輅常泰等先後上疏劾

勛上令逮福達來京審問刑部尚書顏頤壽等於午門外會訊薛良李景全等共指福達福達語塞

至訊戚廣等則云我曩未就吏訊安得此言獄上上怒頤壽等偏徇欲親鞫大學士楊一清諫止仍

屬諸勘官會訊刑部主事唐樞言福達罪擬死不枉上怒黜為民頤壽等懼乃指為疑獄上切責頤

壽等仍械繫馬錄下鎮撫司掠治一時論救諸臣俱遭逮繫於是頤壽等更議出福達以薛良抵罪

而不及馬錄上怒金逮頤壽等下獄命張璠方彥志挂萼署三法司事搜馬錄篋中得大學士賈詠



御史張英都御史張仲賢大理寺丞汪淵工部侍郎閔楷私書及郭勛囑書凡六緝詠書別有所囑英等頗及福達事賈誅引罪告休遂坐薛良誣告論死石文舉等証証布政使今陞都御史李璋按察使今陞大理寺少卿徐文華阿附巡按殺人媚人俱發戍極邊遇赦不宥給事中劉琦御史盧瓊挾私彈劾戍邊給事中王村張達秦祐沈漢鄭鵬程輅扶同妄奏俱為民刑部尚書顏頤壽侍郎劉玉王啓都御史江潮劉文莊大理寺卿湯沐少卿顧泌寺丞汪淵畏避言官推勘不實大僕寺卿汪汝錫光祿寺少卿余才逞忿橫議吏部侍郎孟春工部侍郎閔楷都御史張仲賢交通私禮俱革職閉任知州杜蕙胡偉下巡按御史勘問巡撫畢昭與張寅父子俱免罪還職馬錄故入人死罪未決初擬徙上以擬徒為輕復擬發煙瘴地面永戌諸臣出差逮捕至者給事中常泰員外劉仕俱戍邊寺副杜鸞御史高世魁任淳南京御史姚鳴鳳刑部員外今陞僉事司馬相俱為民金都御史

閔御史今陞太僕寺少卿張英上南京御史滿任雄俱閑任時嘉靖六年丁亥八月也後二十年卒丑勛坐殺人律論死至隆慶間蜀妖賊蔡萬貫招出以山西叛逆李桐為師桐寅孫也始論死棄石冊府元龜閩兵憲鐸家藏抄錄冊府元龜百冊世令太原府或陽曲縣抄錄一部費民金錢無筭安慶於公惟一守太原下車聞其事召其子諸生某戒之曰若翁之書若不能讀媿矣似先公之謂何又輕售人而累及我長吏百姓乎何忍也速附祖龍不則坐此論黜後來索書者於公以回祿災報而禍苗始絕矣

兩庠文風 太原府縣兩學金峙中隔一墻門通往來堪輿取左通右達之義又謂鑿壁偷光

尤大關兩庠文運登賢書者科不乏人萬曆乙酉以前有好事者塞其門是科兩庠脫榜諸青矜士謹然歸咎於塞者因仍復舊貫至下科連中魁解後科第復盛云



賢淹善行

萬曆中上為三殿大工納採推之議分遣閣使四出所至騷然民不堪命先來

晉者為孫姓偶物故採且罷繼之者則保定張忠也尊賢重義貞操雅誼每推課額外毫不妄索且

禁其下勿得倚逞用是晉人安堵無擾至值歲早詰廟虔禱又以三百金佐賑尋疏民艱難請罷推

務乞還侍廟尤諸使中之難得者因嘉其善而不

民之

尚義活衆

萬曆己酉年大荒米珠薪桂人至相食郡人參政傅公森施粥百日米費四百

斛所居前後左右諸貧生賑米銀二十緩知州傅

公震施粥費米百斛辛丑壬寅年復大饑霖於小

彌陀寺燃大地坑收宿貧民有死亡者施棺葬埋

復施粥起冬月至來年熟乃止費如前晉王佐賑

米四百斛周寒士者百斛王公立賢馬公朝陽李

公光輝王公月辰馬公惟翹潘公文周公大年李

公三樂亢公繼志王公藻王公有才李公繼芳

公尚忠文公華王公朝所輸此百斛或五十

三五十斛民賴全活者數萬當道棹檣以旌表

橋下仁人

辛丑荒南門外釣橋下宿止三餓人一老者一老婦一壯者蓋東人而來就食

者收窮人棄子女乞食哺之無兒女者稍餽以銀

抱去螺負嬰兒賴以全活者甚衆三人以此不死

豐年各還鄉府照磨籍樓聞而異之給銀三錢米

一斛當顛連之時而能如此滿腔天理陰德無量

可與京師育嬰堂柴居士並傳○李方綦曰宋徽

欽問杭州乞兒有老母寓錢塘門外敗船中乞必

異筒以分美惡進食歌舞時云蔡京父子不如杭

城乞兒孝也明末江南有丐者題詩金水橋上三

百年來養士朝如何文武盡皆逃綱常器在鼻因

院乞丐羞存命一條忠也襟志載萬曆辛丑歲饑

迎澤門外橋下有東人來就食者一老一壯一婦人收養遺棄嬰兒全活甚衆仁也古來聖賢之道即此三者盡之矣雖極貧窮隨地可以自盡又何必據高位席素封升座聚徒著書立說而後為學



哉

講書讀史

馮季府庠廩生善講書郭麓池先生署學道每行香講書少有當於心者往往

命馮則大學中庸一氣分解如順坂走丸隨風縱棹有味乎其言之也環橋門而觀聽者濟濟雖故事乎而今無其人矣張文明為諸生時最喜看綱目每鄉科落第無愠色曰把綱目再看一過登甲科為名御史豈偶然哉今日青衫即通鑑節要且置勿問而况綱目耶

拒絕權奄

督學道劉奮庸洛陽人其鄉有為巨奄者百計致之欲識一面卒不可得此正

人君子也通志以非居官於晉之事削而不載謹志其視青衫若子弟及不入寺人之園等事余恐後人因彼而忘此附記之以俟考

除姦活民

孫化龍獲鹿人為太原守時孟有妄言千假神巫為奸利號於人曰我碧霄

君也不樂岱而至此每禱祀者戒期而後入則使人於其所居之地訪其生平所為使巫者切責之至有愧汗不敢仰視者一時歸者如鶩所獲金錢無筭公知其狀使巫曰趣為我問雨期期不雨則鞭背而納諸園土智窮詐見坐以左道律屬無年則煮粥以活饑民屬大札則醫藥以救疾苦死者為之埋葬通志亦遺其事載之未詳附記之以俟考

省城文運

開化寺舊有古塔本城科甲鼎盛父子多繼登大位好事者率意拆毀歷八科

得甲止二人甲申燒毀東南角樓雖經補建龍頭樓勢不及三角雄壯自順治元年以迄今茲監貢科甲受職民牧近三十人尚無一人膺遷陞者查安邑聞喜崞縣修改風水科甲聯翩的有徵應儒者亦不可執理而訕堪輿也尚望賢良長吏相機而振起之

奸民掘塚

甲申以來晉郊遠近墳塚發掘殆盡始取金珠繼取衣衾既且取棺槨矣如是



者三十年靡所禁止邑侯邢公振岳捕其渠魁十數人置之法始少息未數年又掘侯中書塚邑侯薰公夢熊大捕其黨數十人悉置之法此後未聞有掘塚者矣易曰古之葬者厚衣之以薪不封不樹周太祖殮以瓦棺緇衣將葬開棺示人既葬刻石以告後世載在經史不曰遠而迂後之子孫愛其親者可不思所預防哉

### 愚俗輕生

投繯赴井之事惟晉中最多惟晉中婦女尤多詎天性然與蓋由晉之人家貧而重犯法愚夫愚婦多藉此恐嚇因以殞命者比比矣前邑侯牛公應徵嚴禁之凡自死者悉置不問故一時橫亡者絕少嗣後郡伯吳公延壽刊示所屬令邑侯戴公夢熊通示各鄉情詞懇惻家喻戶曉當無不洒然悟翻然改者仁人之言其利溥哉

### 賊破太原

崇禎癸未冬十月李自成據秦太原戒嚴執事者調宣化張都司領兵一千

守南關大城內有撫標十小將王步月等總三千名為戰計太原營兵一千名舊營兵一千名為守計明年甲申正月賊渡黃河而東所過郡邑望風降逆毒刑逼餉宗室鄉紳宦裔富民苦死者不計其數二月初賊至大佛寺巡撫蔡公懋德使小將柳同春率所部兵探賊同春未見賊兵同衆潰散初六日賊至城下時宣鎮張都司守南關按察司楊公本鎮為大城南面主守督糧道藺公剛中為東面主守督學道黎公志陞為北面主守分巡道畢公拱辰為西面主守巡撫蔡公懋德總巡四面事宜其餘官員各守倉庫賊先攻南關宜鎮兵開關門迎降巡撫蔡公心知兵將不用命遂不敢遣一卒以一矢加遺南關城樓正對大城重鎮樓楊公本鎮恐賊據南關城樓大城樓受敵募勇士曹扭兒縋城下竟上南關城樓用火燒毀楊公賞銀五十兩初七日賊盡力攻打驅難民為先資城上砲子中南關順城門樓引藥樓內所貯火藥即時燒毀大城牌夫望賊散亂無紀奮欲殺賊自



於主守絕城下生擒二人磔之城內居民有善鳥  
 鎗者私聯數十人請於蔡公願以鳥鎗打賊公令  
 擊中一賊者賞銀二兩人爭擊之已而擊賊者衆  
 有司吝賞鎗手之志遂懈申刻賊攻東南角甚急  
 兵士用火礮擊賊獲其藥線未及擲下火礮四裂  
 延燒角樓樓內所貯火藥一時俱蕪燒死管火器  
 千總陳嘉琦弟陳嘉貴及兵民人等甚衆城中哭  
 聲震天盡無人色至夜狂風大作勢若轟雷陣夫  
 震驚猶堅守無去志初八日昧爽小將張急魁奪  
 南門出降賊焚新南門遂蜂擁入城中軍應時盛  
 引巡撫蔡公懋德至三立書院時盛曰城既破老  
 爺當死中軍亦不敢負老爺獨生蔡公領之時盛  
 結繩梁間蔡公引頸入環死時盛亦引頸入環死  
 時北城陴大尚未知賊入城前州砲石紛投擊賊  
 俄而賊至多殺死塚下者其時民間投井者甚衆  
 焚不可勝紀甚至有全家自盡者賊令曳屍城外  
 墜深三丈許積屍盈庭與之呼嗚呼晉民未負耶

有司靖節

賊既破太原獲布政趙公建極公不跪  
 賊搜公私室得小樂器一張賊問公爾

爲清官如何藏此樂器公曰我老而無子服官勞  
 無以自遣一姬能鼓此政暇令一鼓之解愁鬱何  
 碍我清賊要公受僞官公死拒之賊令曳之出公  
 厲聲呼萬歲者再賊復令轉來問公曰爾呼我求  
 生耶即舍之公曰我呼我萬歲耳豈呼賊耶遂殺  
 之巡寧道畢公拱辰賊脅公晉府前賊適得新刀  
 數口殺人公覘視賊問公爾看何爲公曰看那刀  
 好殺我賊即以刀殺之守寧道毛公文炳督糧  
 道蘭公剛中皆以升臣出者毛公守北城賊入城  
 毛公易衣雜入王中書宅三日夜補一貂套爲賊  
 覺左右拉殺之於晉府前蘭公守東城賊入城獨  
 索諸官司獨不得按察司督糧道二人且置之一  
 賊掠得箱籠方掠人昇得布政司吏宋某者令昇  
 宋辭一人斃獨舉賊曰已有有人在酒肆中曳至宋  
 見一人敝衣爲傷狀宋諦視則蘭糧道也蘭自宋  
 使無言宋默然即與昇箱隨賊行數步宋小語曰



老爺換有賊覺因得糧道殺之有諸生某為賊掠入後營見提學蔡志陞戴羊皮笠青布大襖跪白賊將曰本道歷任三月尚未入考棚旁立韓孝廉霖代為解曰此天下文章士也賊將命之起為易衣冠黎色喜不祭既而偽錄為考文官隨大同去按察使楊公本賊守南城乘亂跨騎雜人叢中出西振武門奔西山懸壺寺後脫身歸知府孫公康周見殺同知李公一清已陞任蔡公留守城亦見殺署陽曲縣事長史范志泰初被執賊桁夾之勒出資與之復夾泰哀告曰放某放某尚能效一臂用賊不聽益以桁夾其頭泰痛極知不能生恚憤曰真賊真賊那有如此刑罰晴出腦裂死

鄉紳被拷 初賊賫助餉者晉人未甚信也至是賊到逼令賊將搜捕鄉紳旁及富生宗室富民及鄉紳之族屬妻婢桁夾迫餉郡邑則委之偽守令賊將慘刻倍甚一時士大夫死亡無幾有者○濟雲翼癸二進士太僕寺水

地錄被夾死獄中 郭人 吉太原縣人萬曆壬子

舉人刑部主事守西城被夾死 羊可久萬曆己

酉舉人桂林府同知被夾死 崔嗣遠萬曆丙午

舉人北直靜海知縣被夾死 萬砥太原前衛人

萬曆丙午舉人四川漢州知州被夾死 朱敏澹

宗貢河南睢州知州被夾死 朱新塘宗貢張秋

通判被夾死 鄭材天啓恩貢山海關通判被夾

死 張先猷景維子崇禎壬午舉人賊以父居官

亦被桁夾而死

遷解長安 五月賊李自成敗歸時鄉紳夾而未死者並子弟婦女猶幽禁追比賊至始釋

之既乃令闔郡鄉宦及妻孥盡起送西安遂有死於彼土如郡城王公嘉言忻州賈公亭太原鞏公

皇至王公嘉言骸骨暴棄秦中未得歸葬更有徐溝張公某夫妻同縊死於秦寺定襄喬公某夫妻

縊死狼孟明年 王師下 西安各宦並家屬放還



宗室就義

八月陳永福以偽文水伯鎮晉時宗支尚多永福陰令四城僞將分信捕緝於

初八日城門畫局大索一日得于餘人殺於海子堰閒宅後妻產並沒於賊明日大赦諸王子弟村

居者 僅免

群盜受死

順治元年九月十三日王師至太原永福遣賊四出搜野為固守計時西洋

神砲未至始息士馬以待十月初三日砲至齊集西北角攻打永福勒馬城頭指揮守禦不移時城

垣立毀十餘丈王師擁上賊眾奔逃城外伏兵四起殺賊盈野畧如二月城破時間有逸者亦被

四鄉居民擒斬之城東門南赴不知所往大都督孟公下令兵集城頭

不得擅入民舍 城中秋毫無犯

晉殿灰燼

晉藩殿宇宮闈宏麗冠諸藩賊李自成破太原入宮內首索金帛驅宮女已而

擄王北上珍物圖書玩好凡歷世所蓄蕩然四稍為奸民所得而毀裂焚棄已十之六七後為陳

永福所據其左右亦多攘竊有以寶賢堂古石刻斷砌馬槽者甚可嘆也及大兵破城永福逃遁

督撫馬公下令禁止不許一人入府布政陸公封局曉示丙戌四月十二日夜不知火從何起烈焰

燭天俱成五色比日出自內城至宮門大毀東西齋殿靈壽等宮盡為灰燼飛煙逾月始息傳曰人

火曰火天火曰災晉藩之燬天與人當必有識之者

南關廢興

甲申五月賊李自成敗歸西遁道路經榆次士民閉門抗拒賊怒攻破屠其城遂

至太原駐馬臨行留陳永福守禦且授以堅壁清野之計永福遂攤平南關北面城垣仍令民間房

屋自行拆毀違者繩以法民畏其威不數日拆屋幾盡後王師定太原招民復業民漸葺餘房以

安其居順治十七年巡撫白公如梅修築東西墻垣接連大城關民始有可恃康熙四年布政王公



顯祚出示募民蓋造每舖面一間給銀五兩民得其助樂於興工雖空隙未能盡補亦可謂屹然屏衛康熙甲寅滇黔倡逆大兵經過輒屯駐旬日最後蒙古一軍騷擾更甚關民依舊逃避室廬遂多毀壞知縣戴公夢熊力圖興復近始漸有保聚之勢矣

### 軫恤災荒

晉中山多地瘠歲復少雨故每當春夏之交亢暘旬日則禾苗盡槁民不聊生

我朝康熙庚申辛酉二歲旱災特甚賴巡撫穆公爾賽方伯那公爾觀察庫公爾康率監司守令以下虔誠步禱有求必應然雨澤不能廣被或近在城邑或霖霖而止以是雲中一帶赤地千里死亡載道先是巡撫藩臬兩司倡捐率屬發賑不資旋奉

綸音動帑二十萬遣官督賑巡撫藩臬兩司皆撤從親往按籍散給民沾實惠繼而饑民流集省會動以萬計巡撫藩臬兩司出示招徠仍設廠煮粥貨店安插黎民全活甚衆陽邑雖有災荒而較之

他郡尤爲生色也越明年巡撫特疏題請開豁逃亡丁糧哀鴻漸復歡聲如雷乃知堯水九年湯旱七年固無傷於盛世所難者節鉞大臣實心軫恤有茲不朽之功耳



亦在不在之世下  
太平固無由於益學  
而學亦無由於大  
可貴也律  
下下則來  
而學亦無由於大  
可貴也律  
而學亦無由於大  
可貴也律

明縣志卷之十四上

藝文志

戴夢熊曰易曰觀乎人文以化成天下甚矣文之  
關於世運也揚雄有言君子事之為尚而又曰  
綸天下之事記久明遠莫如書則知文非徒辭已  
也狠孟三晉首邑事業文章代不乏人然使辭  
事事不稱辭文又何貴焉故茲卷所錄大約取其  
有關於世道人心有益於風俗教化有切於山川  
人物或吏斯土或產斯地苟無與於茲邑雖佳篇



亦弗錄類別條分奏疏以表忠愛詩賦以寫性情  
 傳記以彰事蹟序跋以傳著作其他箴銘贊解論  
 說辨考檄書等類統名禱著務俾吉光片羽不致  
 沉埋千古庶展卷一閱晉陽之文獻畢具焉作藝  
 文志

目錄 計七條

奏疏

詩歌

辭賦

碑記

列傳

序跋

禱著



陽曲縣志藝文上

奏疏

戴夢熊曰余讀唐史閱陸宣公奏議悱惻剴切竊謂人臣事君其道當然自古迄今莫可易也然鳴鳳仗馬褒譏互見史策乃知不具忠愛至性未有不結舌取容者也陽曲昔多直臣若張若孫若薄錚錚有聲豈徒梁公一疏媲美佛骨已哉乃余繙閱諸集章奏傳者絕少俾忠臣之心血弗獲垂示後世亦足慨矣茲僅載其表表傳聞者二三篇其



諸名疏海內有心之士必有手錄珍藏以傳之子孫者俟後人採而入焉志奏疏

諫造浮屠大像疏

唐梁國公 狄仁傑 邑人

臣聞為政之本必先人事陛下矜羣生迷謬溺喪無歸欲令像教兼行觀相生善非為塔廟必欲崇奢豈令僧尼皆須檀施得棧尚捨而况其餘今之伽藍制過宮闕窮奢極壯畫繪盡工寶珠殫於綴飾瓌林竭於輪奐功不使鬼必在役人物不天來終須地出不損百姓將何以求生之有時用之無度編戶所奉恒苦不克痛切肌膚不辭箠楚遊僧一說矯陳禍福翦髮解衣仍慙其少亦有離間骨肉事均路人身自納妻謂無彼我皆託佛法註誤牛人里陌動有經坊闐闐亦立精舍化誘倍急切於言徵法事所須嚴於制勅膏腴美業倍取其多水碾莊園數亦非少逃丁避罪併集法門無名之

僧凡有幾萬都下檢括已得數千且一夫不耕受其弊浮食者衆又劫人財臣每思惟實所悲痛往在江表像法盛典梁武簡文捨施無限及其三淮沸浪五嶺騰烟列利盈衢無救危亾之禍緇黃蔽路豈有勤王之誦比年以來風塵屢擾水旱不節征役稍繁家業先空瘡痍未復時與二役才所未堪伏惟聖朝功德無量何必必要營大像而以勞費為名雖歛僧錢百未支一尊容既廣不可露居覆以百層尚憂未徧自餘廊廡不得全無又云不損國財不傷百姓以此事王何謂盡忠臣今思惟兼採衆議咸以為如來設教以慈悲為主下濟羣品應是本心豈欲勞人以存虛飾當今有事邊境未寧宜寬征鎮之徭省不急之費設令僱作皆以利趨既失田時自然棄本今不樹稼來歲必饑役在其中難以取給况無官助義無得少若費官財又盡人力一隅有難將何以救之

請駕還京疏

明御史 張文明 邑人



臣惟北辰麗天而衆星拱東海凝地而萬水朝大君居尊而天下歸乃三才之定理萬世之常道帝之所以帝王之所以王胥以此焉我朝受命而興建兩京於南北分十三省於天下稽古定制設列文武朝覲考選有期腹裏邊方咸治又每年差巡按御史以代巡狩百餘年來天下安寧所以匹休帝王參贊天地莫加矣皇上繼承天命率由舊章十餘年來天下順治所以光昭祖宗功德昭合帝王天地亦莫尚焉夫何近年以來親狎武弁疏遠文儒既有京城四外之遊又有過關宣大之幸近又由大同至偏關過黃河至榆林臣遠聞之憂懼顛越莫知所措竊思郊天不遠儲位久虛兩宮孝養有缺四方朝賀無至機務之繁於誰剖决陵廟之祀於誰舉行况宣大地方臣曾齎詔往還陝西邊境臣又奉命巡歷烽燧頻侵而軍馬不勝勞擾山谿險阻而糧運至爲艱難今陛下率三萬逸豫之衆而遠臨焉將爲遠人犯邊歟臣等察將官之勇怯每有舉劾陛下因而用舍之則耀武備而防

守者爲人而邊境寧謐矣何士警蹕而雜行伍耶將爲百姓疾苦與臣等訪民職之清濁名已激揚陛下因而黜陟之則布德惠而撫字者有人而百姓安樂矣何舍崇高而親側陋耶陛下始謀此行畿內連月大雨駕至昌平京城盡日大風而各處冰雹雷火天鼓地震紛紛奏報此可見天心仁愛人君欲止邊方巡幸陛下何不恐懼修省急還京師歟夫北辰未嘗離次舍而雜於衆星東海亦未注西北而混於萬水大君豈可舍尊位而遠遊荒服胥理細務耶昔周穆王窮海遠遊而周德始衰漢武帝巡遊無度而百姓疲敝觀之昭代則土木之變近在已已當時荷祖宗之靈用謀臣之策空府庫竭邊儲僅克以濟所損實多稽之前事既如此驗之已已又如彼今陛下冒雪衝風而臨不測之地戎衣鐵馬而當邊塞之鋒在朝羣臣各膺厚賞不聞救正惟保一已爵位不顧九重危險監閣府部重臣有同紙糊院寺科道等官何異泥塑時事如此可爲流涕可爲寒心可爲長太息也伏望



山下縣志 卷之十四 五  
陛下念皇天所付之中國重祖宗所傳之神器早  
還宮闕覆庇臣民速將逢惡導非如都督朱彬者  
明正典刑監閣府部院寺科道等官梁儲等亦加  
罰治實宗社無疆之福而史策芳聲亦傳之千萬  
世矣

詩歌

戴夢熊曰詩因言以見志亦即事以徵情其中有  
天籟焉故上自君公以迄學士大夫農人女子緇  
流羽客皆有吟咏或登之郊廟或奏之朝廷或抒  
寫人物或歌咏山川忠孝節烈之思遑遑寓焉太  
原自古及今代有作者然多散逸未收苟晉人之  
流風遺韻不克紀姓氏而述謳吟又何以揚歷代  
之清芬集九州之雄藻哉用是採而錄之不敢遺  
亦不敢濫庶幾其足傳乎志詩歌



從駕幸晉陽應詔

隋薛道衡 河東人

省方遵往册遊豫叶前經金吾朝戒道校尉曉巡  
營重巒下飛騎絕浦渡連旌澗水寒逾咽松風遠  
更清方觀翠華  
返簪筆上芸亭

過晉陽宮

唐 沈佺期

緬想封唐處實惟建國初  
俯察伊晉野仰觀乃參墟  
井邑龍斯躍城池鳳翔餘  
林塘猶沛澤臺榭宛舊居  
運革祚中否時遷命茲符  
顧循承不構怵惕多憂虞  
尚恐威不逮復慮化未孚  
豈獨勞鞅近所期訓戎居  
習俗問黎人親巡慰里閭  
永言念成功頌德臨康衢  
長懷經綸日歎息履庭隅  
艱難安可忘欲去良踟躕

和崔日用遊開化寺

唐 晉陽尉 吳少微 新安人

左憲多才雄故人尤驚鸚鵡  
護單于使休轡太原郭館  
次厭煩歇清懷尋寂寞西  
緣十里餘北上開化閣初  
入雲樹間冥濛未昭廓漸  
出欄柅外萬里秋景焯歲  
晏風落山天寒木歸壑覽  
物頌幽景三乘動禪鑰但  
敷利解言永用忘昏著

汾上警秋

唐 許國公 蘇頌 雍州人

北風吹白雲萬里渡河汾  
心緒逢搖落秋聲不可聞

送鮑中丞赴太原

唐 郎中 盧綸 河中人

分路引鳴騶喧喧似隴頭  
暫移西掖望全解北門  
憂拜命臨都護分曹制  
督郵積米營不下盛雪  
纒戎休自草連邊帳黃  
金擁戍樓今朝送旌旒  
一減魯儒羞

寄狄明府

唐 工部員外 杜甫 襄陽人



梁公曾孫我姨弟不見十年官濟濟六賢之後竟  
陵遲浩蕩今古同一體比看伯叔四十人有才無  
命百寮底今者兄弟一百人幾人卓絕秉周禮在  
汝更用文章為長兄白眉復天啟汝門請從魯公  
說太后當朝多巧計狄公執政在末年濁河終不  
汚清濟國嗣務將付諸武公獨廷諍守丹陛禁中  
册决召房陵前朝長老皆流涕太宗社稷一朝正  
漢官威儀重昭洗時危始識不世才誰謂荼苦其  
如齊汝曹又宜裂土食身使門戶多旌榮胡為飄  
泊岷漢間干謁王侯頗歷試况乃山高水有波秋  
風蕭蕭露泥泥虎之饑下巉巖蛟之橫出清泚早  
歸來黃汚人衣服易昧

### 太原早秋

唐翰林供奉

李

白

蜀人

歲落衆芳歇時當大火流霜威出塞早雲色渡河  
秋夢遶邊城月心飛故國樓思歸若汾水無日不

### 狄梁公詩

唐散騎常侍

高

適

滄州人

梁公乃貞固勳烈垂竹帛昌言太后朝潛運儲君  
策待賢開相府共理登方伯至今青雲人猶是門  
客下

### 次太原呈吳郎中

唐侍郎

韓

愈

南陽人

朗朗聞街鼓晨起似朝時翻翻走驛馬春盡是歸  
期地失佳禾處風存蟋蟀詞暮齒良多感無事滯  
頤垂

### 送裴司徒留守太原

唐太子

賓客 劉禹錫

彭

星使出關東兵符賜上公山河歸舊國管籥煥  
宮行色旌旗動軍聲鼓角雄愛棠餘故吏騎竹見  
新童漢壘三秋靜邊沙萬里空其如天下量日夕  
咏清風



寄北京留守裴令公

唐相白居易 邑人

天上中台正人間一品高休明值堯舜勲業過蕭  
曹始擅文三捷終兼武六韜動人名赫赫憂國意  
切切寵重移宮鑰恩深換闔旄保釐東宅靜守葦  
北門牢豹尾交牙戟虬髯捧佩刀通天白犀帶照  
地紫麟袍

清夜琴興

前人

月出烏棲盡寂然坐空林是時心境閑可以彈素  
琴清冷由木性恬淡隨人心心積和平氣木應正  
始音響餘群動息曲罷秋夜深正聲感元元天地  
清沉沉

渡桑乾河

唐進士賈島 范陽人

客舍并州已十霜歸心日夜憶咸陽無端更渡桑  
乾河却望并州是故鄉

送裴相公上太原

唐司空王建 穎川人

還携堂印向并州將相兼權是武侯時難獨當天  
下事功成却進手中籌再三陳乞鑪煙裏前後分  
張王案頭朱架早朝排立戟綠槐殘雨看張油逢  
知鴈塞從今好直到漁陽以北愁邊鋪恐巡旗盡  
換山城欲過館重脩千羣白刃兵迎節十對紅粧  
妓打毬聖主分明教暫去不須高起見京樓

太原送許侍御出幕歸東都

唐左拾遺耿湜 河東人

昔隨劉越石今日獨歸時汾水風煙洽并州花不  
遲荒庭增別夢野雨失行期莫向山陽過鄰人夜  
笛悲

并州路

唐李宣遠

秋日并州路黃榆落照間孤城吹角罷數騎射鵝  
還帳幕遙臨水牛羊自下山征人正垂淚烽火起



雲

并州

唐韓偓

戍旗青草接榆關  
雨裏并州四月寒  
誰會憑欄  
恐淚不勝天際似江干

遊烈石

唐李頻

遊訪曾經駐馬看  
寶華遺像在林巒  
泉分石澗千條碧  
人在冰壺六月寒  
時雨欲來騰霧靄  
微風初動漾波瀾  
個中若置羊裘叟  
絕勝當年七里灘

遊晉祠上李逢吉相公

唐北都留守令狐楚

不歷晉祠三十年  
白頭重見一凄然  
泉聲自昔鏘寒玉  
草色雖秋耀翠知  
少壯同遊寧有數  
尊榮再會便無緣  
相思臨水下雙淚  
寄入并汾向洛川

塞上曲

唐常建

翩翩雲中使  
來問太原卒  
百戰苦不歸  
刀頭怨月塞雲隨  
陣落寒日傍  
城沒城下有寡妻  
哀哀

題晉祠

宋河中通判文正公范仲淹

神哉叔虞廟地勝出嘉泉  
一源甚澄徹數步忽潺湲  
溪此意誰可窮觀者增恭虔  
錦鱗無敢釣長生祠  
水仙千家溉禾稻滿目江鄉田  
我來動所思致主愧前賢  
大道果能行時雨宜不愆  
皆如晉祠下生民無旱年

遊晉祠

宋河東制置使魏國公歐陽脩

古城南出十里間  
鳴渠夾路何潺潺  
行人望祠下馬謁退即祠下  
窺水源地靈草木得餘潤  
鬱鬱古



相舍蒼州并州自古事豪傑戰爭百代幾百年天  
 開地閣真主出猶須再駕方凱旋頑民盡遷高臺  
 削秋草自落埋空山并人昔遊晉水上清澈照  
 涵朱顏晉水今入并州裏稻花漠漠澆平田廢典  
 彷彿無舊志氣象寂寞於山川惟存祖宗聖功業  
 干戈象舞被管絃我來覽登為太息暫照白髮臨  
 清泉鳥啼人去廟門闔還有山月來娟娟

感興神堯起兵太原

宋朱熹新安人

晉陽啟唐祚王名紹巢封垂統已如此繼體宜昏  
 風塵聚竄天倫牝晨司禍凶乾綱一以墜天樞復  
 崇崇淫毒穢辰極虐焰燔蒼穹向非狄張輩誰辦  
 取日功云何歐陽子秉筆迷至公唐經亂周紀几  
 例孰此容侃侃范太史受說伊川翁春秋二三策  
 萬古開群蒙

遊晉祠

宋太谷張伯玉

中朝葉手中 文閣讀高碑 拂素塵異陸歸禾  
 是主徒林射兕 揚雷神關河 莫問周秦事花木誰  
 分漢魏春惟有 門前舊  
 溪水秋風幽咽 送行人

石嶺關書所見

金元好問

軋軋輶車轉石 槽故關猶復戍 弓刀連營突騎紅  
 塵暗微服行人 細路高已化 蟲沙休自嘆厭逢虎  
 豹欲安逃青雲 王立三  
 千丈元只東山 意氣豪

讀書山居

前人

漉竹藤斜挂藜 花草亂生林 高風有態苔滑水無  
 聲

石潤雲先動橋 平水漸過野 陰添晚重山意向秋  
 多  
 樹合秋聲滿村 荒暮景閉虹 深仍白雨雲動忽青  
 山



川迥楓林散山深竹港幽疎烟沉去鳥落日送歸  
牛漲落沙痕出堤推岸口斜斷橋堆聚沫高樹閣浮  
槎鷺影兼秋靜蟬聲帶晚涼陂長留積水川潤盡斜

陽斜陽高樹挂晴虹肅肅微涼雨氣中一道鷺鷥花  
不隨密香吹滿馬頭風

蔡邕道中

元狀元 楊雲翼 邑人 尚書

水連深竹竹連沙村落蕭蕭已暮鴉行盡畫圖三  
十里青山影裏見人家

通明閣

元 韓德麟

乘輿登高閣憑欄眼界寬望中無限景宜向畫圖  
看

晉溪

元 小倉月僧

灊神金闕斗牛來百谷雷霆吼石泉雨服春波  
柳月一簾花影鷓鴣天神仙境界唐虞日錦繡江  
山汾晉川醉袖碧雲來  
著脚一聲樵笛古岩前

太原城

前人

一城春色富河東萬古中州悉聽從地貴自然芝  
草出天高長是瑞雲封堤邊翠帶干株柳溪上青  
螺數十峯海晏河清無  
個事盡樓朝夕幾聲鐘

閔農

明巡撫 于謙 錢君 人

無雨農怨咨有雨農辛苦老夫出門荷犁鋤村婦  
看家事縫補可憐小女年十餘赤脚蓬頭衣藍縷  
提筐朝出暮始歸青菜挑來半沾土茅簷風急火  
難炊旋蕪山柴帶根煮夜歸夫婦聊克饑食罷相  
看淚如雨將奈何有口難論辛苦多嗟爾縣官當  
撫摩







獨廟堂公與孤  
周司徒真丈夫

繫舟山

滔滔洪水溺人寰聖德神功力濟艱不信當年昏  
墊險請看雲際繫舟山

太原春日郊行

履齒車輪更馬蹄綠莎隨處踏成溪無人為惜閑  
花落有暇來聽好鳥啼步履愛沿流水曲襟懷高  
與衆山齊詩成誰復吹  
蕭和却向籐蘿石上題

太原聞警

太原烽火照中原何事諸軍守鴈門終夜聞笳獨  
酒淚平生說劍口空言難堪清嘯臨邊月坐遣風  
塵淨塞垣人道漢皇新  
好武洗兵今擬到河源

曉渡汾水將赴晉祠

蕭鼓渡方舟旌旗夾岸浮山明汾曲曉雲白晉祠  
秋桐葉飄宮井蘋花薦酒旣願言崇報祀不是重  
遊邀

晉祠曉望

四圍蒼翠倚秋空霞彩烟光曙色通池水欲搖蘋  
藻日溪亭先散稻花風摩娑金石珍唐帖指點川  
原說晉宮謾擬鏡湖乞  
賀監願祈豐歲萬方同

太原懷古

獨上山城思寂寥英雄千古恨難銷鳴蛙尚產  
民竈驚馬空留義士橋齊洞僧歸雲冉冉漢宮人  
去雨蕭蕭堪憐此地多  
離亂莫向明時負酒飄

明右布祝顯  
人昌平

明按察楊基  
人蘇州

明喬世寧

明巡撫蘇祐  
人漢

前人

前人



蒙山曉月

明 吳 啟

烟寺鐘聲出薜蘿一鈞殘月掛天河乾坤明處影  
偏淡風露曉來寒更多樹色漸看青掩映山形微  
見碧峩峩清虛意象此  
中識誰解愁人夜氣歌

晉溪流水

明 李 斌

兩岸青山映碧流依稀風景似瀛洲光浮河漢渾  
無際潤及田疇屢有秋地引泉源千里去人携殺  
核四時遊豪吟我亦曾  
來此弄月閉披紫綺裘

王大參德華約遊晉祠二首

明文 周 經 邑人

山鍾淑氣水通靈廟祀憑誰肖女形利澤流分千  
頃綠危峯挺出四時青松揪材美還資用碾磨機  
奇好入錦我欲尋源問  
難老可能一旬製頽齡

昔年曾此駐吟鞭草樹烟波入望妍老去尚能吟  
嬰鑠歸來偏是愛林泉况同齊里良朋賞更羨薇  
垣故吏賢絃管雖離催  
客醉都將好景入詩聯

謁唐叔虞祠

前 人

宗姓當時豈剪桐有元碑石獨穹隆却憐廟貌衣  
冠古不與靈源祭享同德澤詎無霑晉土儉勤亦  
必守堯封夕陽老木寒  
鴉集都入行人感慨中

登映月樓

前 人

喜同佳客作佳遊謁罷神祠更上樓千里河山清  
氣萃萬區禾稻綠雲稠共憐疏傳能長醉不謂靈  
均尙貯愁老眼摩娑東  
北望長安何在白雲浮

題天龍洞

前 人



山靈扶我看瑰奇直上崇巔拂古碑雲影低遮黃  
石洞泉聲清遶白龍祠隋朝寺紀開皇歲齊王宮  
存避暑基吟倚曲欄生  
慨嘆悠悠塵世幾興衰

寄王內泉曲莊

明徵君

文徵明

長洲人

五原南下勢迴環汾晉風烟萃此間見說名園依  
綠水還聞別墅占青山春風把酒隨花發落日憑  
欄任鳥還蔭茂濯清幽  
興足儘輸高士百年閒

汾河晚渡

明侍郎

張頤

邑人

山啣落日千林紫渡口歸人簇如蟬中流軋軋櫓  
聲清沙際紛紛鴈行起遙憶橫汾近幸秋當時意  
氣誰能儔樓船簫鼓今  
何在紅蓼年年下白鷗

土堂怪栢

前人

佛祠前生怪栢蛟舞龍蟠勢呀赫濃陰匝地  
四時曲幹凌霜纒數尺露重風生翠葉香服之不  
老凋三光願採芳姿和  
玉液元旦獻壽如長楊

岫巘紅葉

前人

嵯峨萬仞峯巒紫勢聳層霄去天咫尺山僧持錫入  
烟霞啼鳥樵歌四邊起商飈一夕生長空霜染楓  
林處處紅粧點秋容賴  
青女不教人恨五更風

天門積雪

前人

天門雪花大於手歲歲陰崖儼如舊素屏轟轟插  
晴空白雲點點藏高岫朝來眺望闌干西寒光燦  
燦青天低憑誰散去洗  
炎瘴坐令六月風淒淒

烈石寒泉

前人



丹崖列處清泉吐灩灩波光瀉汾潄濯纓應不羨  
滄浪飲憤何須念巢父漑我民田萬頃餘秋來塲  
圃昔山儲不似西湖湖  
叶水爲人歲歲澆芙蓉

### 蒙山曉月

前人

啾啾雞聲天漸曉山嶺巍巍殘月小寒光旋逐曙  
光微桂影潛隨人影杳露落風清角韻頻輪蹄多  
少走紅塵堪嗟道上利  
名客寧識窓前飽睡人

### 古城夕照

前人

晉陽自古稱佳麗舞榭歌樓絃管脆繁華富貴一  
朝空獨有斜陽在天際淡涇衰草殘霞中離離不  
黍生故宮牧童下山香  
逕靜白楊無數號西風

### 晉祠源泉

前人

唐叔祠前潄水碧泉湧頻波挾崖石一泓清  
寒聲千載若民仰靈澤小小渠平古毀涼西風十  
里稻花香剪桐遺事今  
猶昨血食如何祀女郎

### 澹園歌

明參政龍膺  
武陵人

我聞太行之西山水奇雲屏萬疊涵清漪夏屋天  
池鬱相望長松喬木如蟠螭我愛王家好兄弟家  
世太原古華裔羣從烏衣名不殊御史青箱美相  
濟墨妙曾傳輞水圖風清金數蘭亭禊別業城隅  
宇澹園澹然市遠無塵喧星漢熒熒挂簷壁芝蘭  
習習環檻軒片片芙蓉青萃律南高孤秀突如筆  
洗頭玉女露乍溥晞髮丈人日初出瀑布晴飛百  
道泉狡狴別澗流濺濺倒垂牛渚銀河水上接鷺  
嶺蔚藍天蜿蜒長虹滴鍾乳翩躚立鶴來花塲劍  
戟嶺岷割紫雲鈞梯峭削凌天柱蒼檜龍鱗萬壑  
濤綠筠鳳煮千竿雨瑤草琪葩紫翠房桃紅李白  
春風揚石洞參差做臺榭牙籤歷亂堆縹緗何如



太乙然藜閣更有康公夢草塘丹嶂橫開恣遊目  
狎馴白鹿摩立鵠恍驚風雨瀟湘製九嶷又訝雲  
霞溟海移羣玉茲園主人神仙流縹緲五城十二  
樓恬淡全窺柱下指逍遙兼比滌園遊左挹瓊漿  
酌天姥右披寶笈招浮丘支策凌高望寥廓磊落  
胸中足丘壑豈如宗少文跼蹐朱絃響家山又豈  
如向子平蹙蹙芒鞋遍五岳有時憶弟看青雲寄  
言努力圖華勛灑挽龍門成砥柱煌銷虎落清妖  
氛搖山撼岳對明命補天浴日垂令聞閣上麒麟  
須列畫山中猿鶴休移文試問响嘯十二峯峙南  
極法夷金檢千年色誰氏之子副法墨省方使者  
一停車爲訪朱陵洞裏鄴侯君洞門一片飛來石  
玲瓏疑是巨靈擘移置桃花谿上漁郎家看竹曾  
過子猷客因憶澹園花萼樓五臺月擁千山白

### 東谷庵

明宗室

朱奇澗

扣手鄰山喚得應秋山門戶冷如冰烹茶不卅村  
家火洞裏龕中有佛燈

### 書懷

明知府崔

侃

邑人

半生書卷五陵遊顛顛當年已白頭覆羽自憐無  
燕厦傍人誰信有貂裘身辭丹陛一千里夢斷瑤  
池十二樓自擁布衾貪  
睡足太平輕莫話封侯  
四壁荒簷兩項田鄰山傍水尚依然自從北上三  
千字不覺西遼十五年涇渭太分嫌我拙雄雌莫  
辨是誰賢只今嘯咏蓬  
窓下遍誦南華秋水篇

### 秋日登通明閣

明布政

裴邦奇

聞喜人

乘秋登峻閣振袂出丹霄牛女呼應至烟霞靜可  
邀紗窻飛宿霧翠幔捲涼飈坐聽潮聲近回看鴈  
影遙青山明月上綠酒故人招醉眼空銀漢狂歌  
倚洞簫勝遊追庾亮仙侶得王喬便欲騎黃鶴飄  
然謝市朝



晉陽夜雨二首

前人

孤館對疎燈客懷轉寥廓欹枕不成眠夜雨瀟瀟落

南國佳人杳西風別思深不堪長夜裏蟋蟀雨中吟

晉陽城門閱武

明右布政 吳三樂 河南衛人

地迥絕紛華凭高望轉賒山橫三晉出水抱五原

斜野戍聞寒角客愁入暮笳向來懷古意倚劍一

聞警閱武

前人

秋日初喧金鼓聲朔風獵獵晉陽城旌旗晴閃汾川水雲鳥寒沉細柳營謀國片心須俊傑登壇白面媿儒生可憐羽檄年

太原道中即事二首

明布政 王世貞

盤陀十二驛驛驛似西川畢竟中無地還疑內天居民同伏鼠宿客傍樓為不待蟬聲苦秋霜

鬢邊不斷峯巒色何由見晉陽傍山兔三穴入地鼠千

倉項為泉奔瘦牙因棗熟黃吾兒莫相笑風俗古

晉陽貢院試士

前人

萬古人文禹甸開千山榷杞建章材騰空雨挾龍門上躡景風從馬邑來彩筆祇應推晉問黃金端不讓燕臺共稱公子賢多客卓犖誰當五士才

秋夜從饒侍御登明遠樓

前人

黯澹千山暮憑欄首重迴虹爭汾水上雲擁太行來漸老驚元達多艱急異才今霄遲月色須為



衣開

登晉陽南城樓

前人

高城飛閣頰屏顏，陡絕丹梯手自攀。四塞西開秦  
道路，百盤中吐晉河山。雲邊兩觀扶鷗尾，天末諸  
峯出鴈關。能賦望鄉俱莫問，清尊好趁羽書閑。

九日登鎮樓小宴

前人

晉陽風色更重陽，閣頰千巖萬木蒼。白鴈不傳南  
國信，黃花偏作後時香。衰顏倚帽難從落，獨客傳  
萸轉自傷。莫使牛山笑客在，一尊聊學少年狂。

送張比部募兵山西

前人

九月連峯愁太陰，徵兵六傳漢臣臨。軍中蕩子隨  
都尉，塞上孤兒備羽林。豹帳雲鈴揮白羽，虎符星

散黃金從來三晉多，豪傑投筆知君萬里心。

續五子篇

前人

明甫珊瑚姿清芬，溢其齒二十典方州三十賜金。  
紫雖負循吏聲雅，非中所喜魔來付禪關。戰勝歸  
各理餘事乃及詩，亦用開皇軌貽君山林日朗曠  
自此始。

秋日同助甫秉噐賦桂子園

明布王道行邑人

把菊東籬二妙過，移尊隨意坐巖阿。病餘無復親  
倉史，醉後那能和郢歌。落木蕭疎秋興迥，登臺慘  
慄暮愁多。對君如泛水，壺月永夜寒光上薜蘿。

賦麓陽公祖徒步禱雨輒應

前人

滌滌山川困靡寧，望年空自籲天庭。不辭重繭趨  
沉壁，遂有羣龍吐建瓴。唐叔祠開千畝綠，湘妃竹



散九原清卽看農圃商  
霖後篋笠如雲戴曉星

登通明閣

前人

我愛天仙駕王龍琳宮千尺俯堯封中空烟裊飛  
丹鼎北阪晴連偃蓋松千里并汾卑下界九秋風  
露躡高蹤凭欄無限幽  
棲興瞋色侵人失遠峯

南臺經宰殺溝遇雪

前人

伐木丁丁日影疎猿吟虎嘯傍僧居雲穿兩峽行  
相失雪散諸天畫不如南極老人迎杖屨西方大  
士借蘧廬疑情莫問拋  
刀事直往誰當廣額屠

北臺

前人

風伯常嘶萬壑松  
清聲爲我故從容  
宵中斗色侵  
孤劍雲外天光失  
四峯暖日花飛常是雪寒潭龍

長關鐘食音山六坐還  
相餽且向堂頭問性宗

社中七子歌

前人

楊公齒尊將八旬日炷名香朝上真婆娑取醉面  
長春圍棋賭墅輸不嗔揮塵譚汝口津津自言呂  
祖常相親傲骨猶龍不可馴高賢眼底空無人昔  
宰花封意未申至今遺愛歌如新王公宛洛稱賢  
佐催科不擾民相賀解綬且其林壑臥遺書親與  
兒孫課年踰古稀誠老大不受傍人扶起坐山中  
問友逍遙過微醺竟日能無情臨洮太守清且賢  
浮雲富貴歸故園自策囊中無一錢興至操觚若  
湧泉七日清齋北斗前三時禮佛受逃禪四十辭  
官三十年挑燈能作蠅頭箋佳辰坐上來嬋娟不  
飲偏能醉十千高帝子孫盡隆準三雋英英望  
允我愛梅亭髮猶鬢手拂朱絃調玉軫蚤馳芳譽  
稱膚斂語語烟霞鬱芝菌不惜餘金畱客盡坐上  
公卿常滿引博得詩篇被欄楯蕭然一任諸郎晒

步日係三  
卷之十四上  
詩歌  
三  
澄六首十九



北門宗尉推正莊曾騎白馬獵長楊好施屢擲千金裝選勝為圍如碎疆園中花鳥雜笙簧傳呼大吏開壺觴夜深顛倒著衣裳晚年好靜龍德藏優游吾黨殊清狂細與論文不可當菊溪公子滿溪菊至性渾如未離樸將得初英釀酒熟與至葛中常自漉寶馬金鞭何逐逐青樓醉擁湖姬宿白眼時人太反覆心事青天有電目得爾楚然在窮谷相勸歲致千秋祝王生蚤放南山耕學書學劍俱無成三乘九轉紛相爭仙源祖意那能明任宦無論公與卿文章何用身後名歌舞沉湎非我情獨坐空林絕屢聲杯中有酒且須傾鏡裏隨他白髮生叨從七子金蘭盟搔首狂吟指太清

兵後趙莊卽事二首

明同知 霍 鵬 邑人

落日孤村人尚逃亂山猶擬閃旌旄閭閻到處無完屋管壘經旬有燼蒿殘菊露涵花涕淚寒林風起對悲號我來不見農桑侶寂寞空堂首重搔戎馬初歸膽正消不堪落木更蕭條近村破喪惟

聞哭遠路逃人未見招城郭日傳僊版築更宵夜報起徵徒使君痛此頻揮淚已有飛章達聖朝

晉陽宮四首

明按察 李維楨 京山人

荻楚苦磨柱質桐孤城無恙倚公宮佩弦人已投纒死保障偏歸尹鐸官甲仗并州自古雄收將沒口實新宮人間寡婦女山配大半軍功是女功無愁天子樂如何十二朱樓別院多一曲琵琶彈不盡晉州城破敵軍過尼作神皇鹿作兒傾城傾國禍相隨採將宮女長蛾綠一代風流此一時

晉水

前人

水可亾人國那知國自傾片言能樹敵三版得完城陳迹流波迅高原戰壘平田家春賽罷萬畝粳



唐叔祠

前人

少小能開國勳名豈偶然帝從娠名子叔以大稱  
 賢唐誥堯書後虞文舜典前疆臨戎索迥星紀實  
 沈遷剪葉王無戲歸禾史有篇九宗收衆望五正  
 肅官聯分物庸昭德仁親不尙年龍山標重鎮汾  
 水帶長川啟晉承家遠匡周卜曆延一丘平宿草  
 四壁鎖寒煙夏服誰餘裔參墟自舊躔飛梁敬疊  
 石懸甕墜層巔何所來神女荒祠若剝員鐘追姑  
 沈蠡鼓揜密須咽蟋蟀秋聲苦閭廩野性便產蛙  
 城屢徒射兕地空傳雜樹遲曦景涼堂沸檻泉羈  
 遊疎契集勝處獨留連結紉峯安在莖駟澤已滇  
 籍談猶忘祖往事轉難詮

夏日登樓

明知縣 梁之垣 蓬萊人

饒我登樓典花開 台賞朝雨山青繞座州柳綠浮  
 色鳥語花陰碎泉聲竹徑遲醉歸不用挽紫客有

遊

郊行

前人

詢災來僻野寥落 嘆殘氓屋向山腰結田從河渚  
 耕繞車看菜色授 粲薦蒲羹貶食慚荒政呼天痛

遊岫巒寺

前人

躡籬登岫嶺仙凡一徑分岩松籠晚照院塔駐  
 雲對月禪心見因風梵語聞息機何處問無計出  
 塵氛

登通明閣

前人

一陟危樓眼界寬 空天睇盼縱遙觀簾籠飛霧瑤  
 圖靄窻納行雲曉溢寒坐對松巔馴雀鶴靜聞



底度笙鸞凭欄欲問鄉  
關地蓬嶠烟波望渺漫

中秋靖安府步韻

前人

地近金天爽氣清  
西園坐對月華明  
光合瓊宇侵珠箔  
影帶銀河轉玉衡  
盛會喜逢蟾魄滿  
清時豈許墓妖生  
開樽幸浴梁園寵  
自媿才疎賦未成

蠶婦

前人

寒夜起披裳  
終宵撫葉筐  
繅成苦紅織  
羅綺為誰

邊吟

前人

寒山樹杪吼陰風  
馬快冰崖路不通  
日暮柴門歸未得  
回頭烽火隔岩紅

酬樊侍御文叔

明山人謝

秦倚官

論兵何日定憂國  
此心同節級長吟  
中天留三殿  
疏人避雨都馳莫道狂夫  
醉扶桑欲

掛引

登通明閣懷張子畏

明呂

陽

高閣閑登眺  
秋光入望賒  
兼葭含露冷  
鴻鴈逐風斜  
極浦生新漲  
晴嵐落晚霞  
憑欄憶張翰  
千里寄華瑤

王侍御東巡還朝二首

明巡鹽御史邢

侗

臨邑人

白簡牙璋東按齊  
彩雲繚繞傍帷低  
山亭鳥下吏朝散  
憲府人聞烏夜啼  
豸服獨臨秦觀上  
鷺輶行度太行西  
馬坊曾覩旌旗色  
盤薦琅玕爵進犀  
飛來羽檄自扶桑  
坐擁麾幢海不揚  
驄馬片雲開曙雪  
烏臺孤月冷清霜  
露章歲晚依東岱  
襍被天寒治北裝  
謾道世途多九折  
使君原不學王陽



汾河晚渡集古

明夏宏

馬蹏空踏幾年塵生棄此地還成要路津  
一曲滄浪桃葉渡滿湖青草鴈聲春  
舟橫沙際殘陽沒劍化江邊綠  
南去北來人自老杜牧之水禽沙鳥日相親

土堂恠栢集古

前人

洞門高閣靄餘暉王維古栢參天四十圍  
鶴驚風翻雪墮先成大蒼龍挾雨帶雲飛  
多物化根株別李嘉祐谷變陵遷世事非  
王只今資大用蕭澹廟堂在石肯相遠

立春過石嶺關

明巡按姜潤身膠州人

塞鴻昨夜自南來野渚空林凍色開沙暖又將生  
碧草廡殘猶未見黃梅亂山入望家千

春酒一杯暫把鄉心付  
流水誤疑西晉是東萊

過石嶺關

明巡撫魏允貞南樂人

竭來早擬拂衣還閱歲仍過石嶺關白髮逢秋看  
更短朱衣向客媿投閒金銀海內方生色戎馬中  
朝未破顏迂謬自知無寸補虛將封事動朝班

前題

明楊維嶽

暫移旌節駐邊城驪馬中宵尚北征月照石關寒  
有色鴉歸驛柳夜無聲干戈楚蜀憂方劇豺虎中  
原怨未平獨使此方安枕席中丞白髮為蒼生

晉府晏二首

明晉王朱敏惇

盟府圭璋舊尊賢帶礪長親親同魯衛表表憶龔  
黃堂僻栖雲殿梅肥伴雪香保民如不負尊酒茗



家皇  
 小宛虛前席良宵接上游有人裁雪調無客不風  
 流陽氣寄桐葉恩光借冕旒夙公佳句在鏘選獨  
 相酬

登永祚塔四首

明李溥

三晉樓城頰首着一聲長嘯倚欄干振衣絕頂青  
 雲濕酌酒危峯白日寒轟轟蒼龍擎宇宙繚繚紫  
 氣發林巒我來欲把星辰摘到此方知世界寬  
 王殿珠宮景最嘉閒雲片片擁曇花盪摩形勝干  
 山外吞吐烟波萬里賒坐起乍驚居日角典來疑  
 是在天涯若於世網無羈累何用遠乘上海槎  
 凭虛四望獨徘徊此日登臨亦壯哉雨過春容橫  
 翠岫烟迷曉色繞蒼苔地連斗極摩天近雲擁松  
 杉入望來山氣豐隆呈瑞蚤蛟騰鳳翥自相催  
 緝宇參差接翠微更奇兩塔直巍巍數聲啼鳥來  
 何處幾片飛花點客衣嵐氣氤氳籠日曛光縹緲  
 翻映禪扉一臨勝槩塵心遠盡日躋攀帶露歸

按楚遺韻

明李溥

使君攬轡楚江濱咫尺鳴珂上玉墀  
 是鏡隨車春滿口為碑瓜期霖雨三年澤棠影滿  
 湘百世思廟即今需  
 異等佇看台鼎重清時

王府賞塩應教

明府尹萬日約邑人

一枝何事只一飛揚因透春光傍檻長玉笋頻斟分  
 雪酒瑤臺滿坐點銀粧固知星聚人同一晉何若風  
 流客在梁倚馬慚從歌  
 郢曲歸鑣尚爾帶餘香

汾河魚

長短句

明謝肅

汾河魚人不識魚躍魚潛魚自得未逐雲雷飛上  
 天水瀾波長渺無迹寧知公子江南來聽客劍歌  
 聲正悲即梅釣竿臨沮沔掣得鯉魚長尺許碎魚  
 為羹其且鮮神物儘可收饒涎嗟爾魚乎胡不掉



尾而遠逝金  
卒乃為香餌製人生出處  
宜慎諸君  
不見汾河魚

天台

明 韓士元

斷云仙家事  
長生且久視雖是脫塵凡  
地日月與四  
時斷斷不可易山中甫半  
七世特可見  
童誑難逃君子議又道觀  
爛柯墜瞬息  
人物換倏忽滄海易如斯  
仙不  
足貴

題晉祠

明 督學 文翔鳳 三水人

太白風流吟  
碧玉獨憐潭水翠娥清我  
霄坐何處琴  
從曲澗鳴山鳥解詩頻向  
容故相迎凌  
朝歸去楊  
花戀片片真  
隨馬足輕

除日再觀晉源二首

前人

魚華髮全須  
鑿青萍了欲梳今年貪雨  
度昔厚度

藍輿  
問糜迎劍  
結繡抱雲迴溪枕清箴耳  
詩觴曲送  
林鼻穿泉本  
决荷卷浪花開向道飛梁  
好交陰影  
未催

夏旱

明知縣 錢文蔚 邑人

亢旱經時久  
何曾見麥花火雲常在眼  
家正念間關  
苦何當賦役加朱門誰氏  
子五月已  
嘗  
瓜

小至

前人

暮景窮途  
此身眼看時事暗傷神  
可憐日晷  
南至依舊  
星躔拱北辰  
脈脉水泉將解凍  
欣欣  
蕊欲迎春  
山知天地無  
終否料理  
誰能起古人



竹愬

前人

昔有郭橐臝一種樹得其理一植不復搖物性安所  
止暢茂無及今春姓名載書史錢生薄福子紛謬多  
人鄙繁余油七枝秀托根亦靜只初移為益窄再移  
嫌偏倚三枚欲就中命脉懸十指泣愬賤場師有  
死而巳矣

除夕

前人

少小讀遺經紅盈虛有至理曰惟天地人緊誰能外  
此今夕一十盡浮生何為爾三男俱未成四壁真  
如洗風燭下小暫停河清難可俟咄嗟勿咄嗟流行  
兩坎止

田家

明侍郎李成名 邑人

辛苦是田家今年恨轉奢天高從望雨風猛更飛  
沙已見苗地死何當試更加道乎如火

擬古

前人

司馬傳貨殖魯褒論錢神富貴雖可欲利害實相  
因古風日寥絕末俗竟沉淪趨利工壟斷嗜進慾  
要津笑至勝牙僧乞來驕婦人俱假伯夷貌已傳  
盜跡真歛怨築華屋含羞擁朱輪侈豪誇僕從攘  
利無朋親寧暇恤人怒兼不畏鬼嗔試看孫叔敖  
何如石季倫貪人還自賊古訓宜書紳

雨中聞鴈

明巡撫王元雅 邑人

濛濛春日雨一鴈自隨陽雲外聲疑斷風中韻更  
長啣蘆依塞北刷羽憶瀟湘宜舉宜煙水生涯豈  
梁稻

孟冬

前人



尊開蔣詡徑絃奏伯牙堂堦草遲寒月籬花澹蚤  
霜人情方險薄世事任雌黃莫下憂時淚長歌學  
狂楚

秋日集黃華苑

前人

一叢新菊倚欄杆碧葉金英鬪早寒每到花時常  
作客幾回能在故園看

純陽宮

明晉王朱求桂

囂塵不到處碧洞可棲霞白鶴時臨水蒼猿獨臥  
沙古松邀月隱修竹弄風斜閒共山人語清幽興

最餘

古城夕照

前人

極目寒烟起城頭噪暮鴉霞明林外水風落岸邊  
花古堞連晴漢長橋帶夕沙紛紛羈旅客岐路

蒙山曉月

前人

高山藏宿霧林鳥尚卑棲雲淡星將沒風輕月已  
低疎鐘尤隱隱秋草正萋萋試叩遠公法門前即

溪虎

岨嶠紅葉

前人

迢遞層巒上招提古木中山空雲更白秋盡葉俱  
紅俯仰天光迥盤旋樹色同欲求無上訣一訊梵

宮王

汾河晚渡

前人

平野殘霞歛長空一鴈飛野航人雜杏沙岸柳依  
稀水氣秋澄寺山雲靜掩扉客途真擾擾應羨老



歸僧

成晉驛初秋

蘇惟霖 江陵人

日暮風打窓 颼颼如雷震 飽食步前除 寒威肌骨沁 呼兒添夾衣 不敢出門徑 晚山送翠來 端君清受盡 四面響松濤 就床擁新緼 回首小龍湖 揮汗雨如甕 說與湘南人 十人九不信

晉邸熙景園

前人

酌酒東平日 朔風吹暮天 梅香七寶座 雪舞六花筵 飽叩無生說 還參有底法 風流誰得似 前劫是蓮青

天門關

前人

天門關裏錦屏分 削壁參天亂斗文 怪石斜飛全欲墮 野花倒共暗來薰 灣灣泉響非關雨 曲曲巒巒不借雲 千里登臨遊頗倦 到來忽覺眼眸醺

關中

前人

畫樓泣角振長廊 箇是當年舊戰場 心血嘔來蟾露滴 桐風驚處桂花香 縱橫壁壘君誠苦 指顧旌旗我亦忙 彤庭織網橫空素 頗牧何人貢上方

十五夜同郭一陽方伯畢伯陽少參明遠樓對

月二首

前人

高樓雨後晚涼多 人在玻璃鏡裏過 一派甲光遙兔目 三千壯士洗天河 眼看白帝分丹蓋 欲倩洪崖奏碧波 此會何妨傾北海 坐逢銀箭送歸娥 三五當天此最清 况兼雨過倍生明 城頭暮角呼君出 龕裏朝霞共我情 爲問珠宮清冷味 翻成蕩子短長聲 憑君莫話庾樓色 簾外輕霜恐倒零



四過晉祠

明知縣

宋

權

商丘人

一抹青山裏，劃然別有天。涼鳴羣籟寂，溪靜一魚懸。冬日涇春色，山民習水田。風塵徒自厭，枕漱是年何。

狄梁公祠

明知縣

范士楫

定興人

景梁臺，隆羣松。立古今，祠寒萬柳封。止用赫蹏誅，餐虎終留鐵胆擾。雌龍此吞此火，誰能毀而草而花。總可恭讀罷壁題，與歎息一碑百代屬吾宗。

汾河晚渡

明靖安

王 朱新環

夕浪長風野色昏，烟汀渺渺隔江村。扁舟載月知何處，深夜漁歌斷客魂。

土堂怪栢

前人

誰穿古佛堂，參天孤栢鬱蒼蒼。山雲飛去

烈石寒泉

前人

山廻泉湧奮洪濤，蛟室常陰絕岸高。鳴犢祠前碑剥落，千春猶擁晉旌旄。

古城夕照

前人

保障城邊對夕曛，聲聒聒夜猶聞。荒臺欹瓦迷秋草，空谷黃昏鎖暮雲。

蒙山曉日

前人

曙光初轉日微茫，宿霧濛濛萬樹蒼。古洞露寒瑤草濕，山人高臥野雲房。

偶成一絕

明舉人

尙時彥

邑人

楊柳風吹日已斜，樓神枕上寄無家。恍然有箇瑤京路，投至瑤京不見花。



鐘定夜深人獨坐雲開天近月初昇真機動盪非  
由我欲念消塵却勝僧

集崔仲升句

前人

生將歌嘯寄泉林日影花香靜不禁百歲功名惟  
聽命一毫榮辱不關心鍾王有筆供神賞陶杜無  
詩倩口吟轉首古今誰  
是我此番科試不須尋

吊忠烈祠

國朝巡撫

劉弘遇

遼東人

數楹高矗齊雲立畫棟翬飛光熠熠登堂惟見姓  
名存正氣猶生真堪挹干戈當日雲中起勢若狂  
瀾莫可止諸君俠骨砥中流文武同心堅自矢賊  
令傳來好諭降裂眦碎齒血盈腔寧甘刀鋸心無  
二節義如山不可損孤城力竭勢難支猶整殘陣  
寺六師捷書未報身先殞九原何處雪餘悲張許  
南雷諸豪傑同時殉難皆全節果卿罵賊不絕聲  
今昔忠貞同一轍寒煙幾處淡荆丘觸目汾河不

流至今氛靖中原定

王丹心萬古雷

國朝樵官

王孕祚

文安人

前題

雲中十萬起妖氛晉地山河白日昏四方牛犢化  
刀劍千里原平列陣雲陣雲輦鼓震天鳴大邑小  
邑無堅城邊關戍卒奮臂起群引小醜歎血盟戍  
卒小醜偏袒呼道將率爾為所俘丈夫一身誓許  
國忍令名節委於塗太原兵巡氣食牛投鞭欲斷  
滹沱流原平壯烈神鬼泣千秋再見嚴江州南風  
不競北風強平水河西望風降共看百姓靡如草  
誰憐長吏勁如剛長吏報國軀命薄照眼并刀霜  
錯落死孝死忠臣子誼豈為垂名圖麟閣 天威  
赫怒海甸均特簡中丞蕩醜倫生者存恤死者安  
痛念諸公作游魂爰命匠石鳩土木為祠以祭受  
爾神爾神和豫悅且康黍稷明德垂馨香我來備  
伏拜祠下欽公英節凜冰霜嗚呼山可泐兮石可  
竭諸公正氣揭日月誰云聲教百世風直與天地



長不  
滅

### 贈傅青主

國朝學士 朱之俊 汾陽人

雲客不慣城市步要人千峰萬峰位嘯聲散作瀟  
林風鶴語時墮青山路乘興偶來汾山側挈壺懷  
刺人爭識一見開襟勝所聞樽前頓長青松色星  
冠鶴氅何歲始云經離亂才爾爾書著一部晉春  
秋詩紀三年新甲子滿腔肝胆不盡吐霜夕哦成  
月卓午兒問題詩贈阿誰太原高士傅青主

### 甲申寇亂太原陷毋殉投園亭井中不肖度捨

### 為招提建風木軒祠焉偶過感賦

國朝通政 裴希度 邑人  
參議

山嵐滴翠水潺湲流到迴腸幾曲灣義訓忽悲機  
織斷舞衣空使淚痕斑彈冠漫奏憂時賦解組終

期對月關且聽閣黎空色話一聲清磬白雲關  
承恩門外鼓聲頻雉堞無靈封水屯化碧丹心燬  
腐草燼灰赤社委寒湮衣冠半作清流客棘木空  
餘喜夜燐每過林臯魂欲黯鳥啼花謝幾沉淪  
杖策徐來禮佛陀故園風景竟如何穿林月色通  
幽夢曲徑蒼苔映碧波閣上芳名垂奕葉井中環  
珮勝鳴珂魚王已示西來意幸得姜舟渡彼河

### 崇善寺

前人

迦和輕動草離離解帶留連共阿誰豈有金龍能  
變日應無鐵鳳得鳴時沙門化佛成先覺火宅燒  
人自不知梵放寂寥松樹下停車閒看舊朝碑

### 過方山

國朝知府 邊大綬 任丘人

三十年來歲月虛偶因烽火過禪廬白雲不斷人  
行路消受松風一夜餘



秋日遊石堂

國朝拔貢 崔嗣達 邑人

越莽披叢見洞天為求靜界學逃禪共將老眼看  
紅葉獨喜秋懷對碧泉斷壁絕鄰僧自主寒鐙入  
夜客無眠支離笑我吟  
難就坐望星河影漸偏

擬古二首

國朝知縣 趙瑾 邑人

我慕鄭子真抱道耕深谷天子不得臣身與道俱  
寂名雖震京師跡自親麋鹿高風遍四海至今有  
餘馥咄彼塵囂事擾擾多倚伏罕失在寡求知足  
無顛覆白龍不化魚漁安中其自游子歸去來山  
中友松菊

昔日漢武帝深居慕神仙金人清露裏玉女紫宮  
前萑蒲厭厭長服鸞鶴亦孤還至今茂陵草日暮空  
辛辛

水之涯送別

國朝知縣 張鳳者 邑人

送若水之涯水涯結虛亭虛亭檻外水浩浩上  
開元古遺樹下有絳雪青青艸古樹婆娑隱琉璃  
女郎殿裏如洲島燭花吐焰光瑪瑙殿南幾孔急  
湍流破石飛鳴日難老此泉最愛桃花春桃花遊  
女照水濱有如若耶溪邊促笑嚔自從戊子弄柳  
燎坐月琵琶黃昏少祝鳩問我桐葉祠廟貌涼雲  
橫疾藜又問流水之東御製碑風雨瀟瀟勢欲歎  
中有古龍愛護僅存之無端殿角突兀起洞高十  
丈煙雲紫度支御風拾級登從容真是尚書履俯  
瞰滄桑輒潦倒不如季鷹一杯好擎杯向我索茅  
柴酒酣笑語脫形骸分付鷄火且遲遲相與醉青  
山記酒借珍重虛亭水之涯

將典九官之咎繇

前人

未曾作士讀歐陽讀至求生窓月涼夜歎官書  
燭淚思臯先已拜神羊

讀史二首

國朝知縣 閻昭 邑人



淮陰初仕漢卑秩糜大賢蕭相不敢蔽汲引無牽  
延愛國遂憐才千古風擘然匪慕知人哲當務知  
所先大臣尊帝簡物色詳允員心計開天府廟謨  
驚將權允矣元勳烈芳徽莫與前  
英雄與日月功課不相謀大業君自勉韶光誰肯  
留隻身寄江表蹉跎耐俗儔髀肉一再生能無衰  
病愁種蔬記年譜結髦代兵籌少壯閑踰歲遲暮  
爭幾秋帝降疑寂寞人事空逗遛卽無使君痛疇  
應不  
淚流

### 感興

國朝徵君傳 山邑人

毛義齷齪士養毋苦所需檄到自可喜無檄憂何  
如願言騎龍馬寶刀弓矢俱旭旦入山林雉兔隨  
手受射熊取其掌割封從園呼微行傍河水一簪  
雙鯉魚日夕携來歸燒桂香中厨鮮羞饌金盤香  
飯炊雕胡兒觥酌醇醪玉瓊加醪醕長跪獻北堂  
千歲以承娛

### 七賢祠二首

前人

身隱文焉用山僧乃勸詩顧瞻七子貌蕭索五城  
思古栢神壇暗秋陰天意悲此中題不得羞殺狂  
夫爲  
老衲爾知否七人不盡賢鈞衡容逆賊紳笏媿香  
煙獨有雙忠烈餘皆一節傳李公碑贊好斟酌亭  
當年

### 虹巢

前人

汾水初出峽遠心爲小欄山花春暮艷柳雪夏初  
寒細盞對僧盡孤雲旋自觀饑來催晚食苦菜綠  
盤堆

### 堤行二首

前人

霜醉河灘草面頷西山一帶紫紫嵐道人冷性馳  
秋艷紅樹看看暮小菴



金蕊三稜紫芥蘇野葑黃菊粉蕊姑一張秋錦花  
無賴帶水連堤五色鋪

晉源

馬思才 華州人

世遠桐封依舊泉遡流三晉借茲傳故城樓閣觀  
殘夜傍水祠亭望曉天事業江河空自逝文章秦  
漢幾留篇于今砥柱憑誰問回首東風又一年

王使君墨莊二首

國朝中書侯璋 邑人

經濟文章在烟霞歲月深槐陰滋舊德雲影寫閑  
心茂樹生蒼靄良禽送好音龍門知可溯載酒許  
相尋  
豈必窮丘壑家園興自賒曝書光繞霧洗硯墨飛  
花對酒酬佳句臨風看落霞羲皇今可接坐臥樂  
無涯

晉祠紀遊四首

國朝陽和曹溶 嘉興人

青壁千尋下靈宮結構殊州絲絳玉瓊簾影拂玲  
瓏靜覺雲濤濶來欣騎從孤日移冰簟冷消息近  
蓬壺  
無復祠宮守瑤壇任倚歌松杉存社稷樵牧厭兵  
戈傍席琉璃滑分風菡萏多眼中賓客好作賦幾  
回過  
別殿慈顏啟明禋卽澗縈展親周典重備物漢儀  
存環珮參仙仗龍蛇夾畫幡邦人懷聖澤滋漑滿  
郊原  
上有吹笙宅崔嵬少四鄰得眠非逆旅此外卽風  
塵藥蔓穿窓滿胎禽驚露新玉泓清照裏匡坐說  
天真

書院槐風

國朝廩生陳明德 邑人

獨對軒前樹悠然有遠思輕風吹老幹斜月掛高  
枝不擾纖塵處能清萬慮時靜中觀自得堪與物  
皆知



城頭山黛

前人

簾望峰巒接迴環十二樓晴嵐天半洗爽氣座中  
收遠岫橫千雉修蛾淡一鈞青光憑挹取長自在

雙眸

偶成

國朝布衣 傅眉 邑人

駿馬不駕車快刀不割泥駕車逸足蹇割泥利刃  
虧丈夫不自練坐視精力微夢寐尚推遷物化其  
誰答

偶題

國朝教諭 王志正 邑人

梧桐恥隨飛李飛鳳凰羞共鸚鵡語陶潛有腰董  
宣頊餘者紛紛盡兒女黃鍾無色瓦缶鳴盜跖伯  
夷俱不平且向沙村葺  
茅舍一鞭牛背聽流鶯

晉陽學舍除夕

國朝廩生 李方亮 曲沃人

裁到晉陽地忽驚歲欲新寒梅開漸綻爆竹響何  
頻于里哥同弟一宵冬復春莫辭今夜酒又是一  
年人

鎮遠門月城吊畢將軍文

前人

聞說將軍真義士我來祠下吊孤忠可憐故趾成  
平地惟覺英靈滿太空浩氣當年依北闕貞魂此  
日泣西風欲尋斷碣知  
何處淚洒月城瓦礫中



平人  
 戴夢熊曰古者登高作賦共號博雅此非雕虫篆刻所能小之也山右代有鴻材如王無功之賦北山薛文清之賦黃河劉敏寬之賦鹽池王二彌之賦商霖率皆纒纒數千百言藻采繽紛詞義典確誠三晉人文之雄哉今觀并州諸作雖非盡出陽邑名公之手然事繫於地蓋亦有取焉耳志辭賦

辭賦

戴夢熊曰古者登高作賦共號博雅此非雕虫篆刻所能小之也山右代有鴻材如王無功之賦北山薛文清之賦黃河劉敏寬之賦鹽池王二彌之賦商霖率皆纒纒數千百言藻采繽紛詞義典確誠三晉人文之雄哉今觀并州諸作雖非盡出陽邑名公之手然事繫於地蓋亦有取焉耳志辭賦

冀州賦

漢太史 班彪

夫何事於冀州聊托公以遊居歷九州而觀風亦哲人之所娯望常山之義義登北嶽而高遊建封



壇於岱宗瘞泣玉於此丘徧五岳與四瀆觀滄海以周流

### 進鐵鏡賦

唐喬琳

晉人用鐵兮從革無方其或五金同鑄百鍊為鋼  
離鑄而雲龍動色磨瑩而冰雪生光爛成形于寶  
鏡期將達於明王故有衛侯居守方物底貢擇使  
而天星共飛登車而月輪相送妍媸之鑒已久所  
胆願呈者衆鏡之既明星衢是亨繼照三斗共霽  
凝輝四海俱清鑑人無私知道以虛受處已不厚  
見心乎砥平若乃宇宙清朗提携偃仰旁觀而山  
澤入懷俯視而雲霄在掌雖因時而委照亦候物  
以呈象圓規可轉處順之物攸光勁質無虧持盈  
之道彌張墨客因進而歌曰金之精兮衆寶所參  
鏡之明兮羣象所含清至瑩兮氛埃不雜明至察  
兮醜類相慚幸秦臺之一鑒與飛鵲而圖南

### 汾水新船賦

唐徐彥伯

賢哉徹侯求人之瘼分帝之憂以為冀方輪轉  
於行輶乃乘素秋鏡清流假道於河北息肩於吳  
幸因去彼以取此遂捨車而造舟革故鼎新裁規  
以制通子房之妙略運弘羊之潛計測淺深之量  
將載沉而載浮陳去就之宜則既濟而未濟宜夫  
席帆錦纜蘭橈桂楫不日而成嘉謨允叶蒲具因  
設寧勞漁子之家財用無虧不奪農人之業水之  
積也厚船之動也捷迴翊企驚識波上之雙鳧倏  
忽孤飛見天邊之一葉伊負重以致遠非邛否而  
人涉及夫安卑委順外靜中虛混泥沙而閉矣象  
智者之居諸逐便乘流排難觸物泛波濤之不拙  
壯勇者之拂鬱船之時義吉無不利向之為材也  
標挺特之材今之為器也作殊常之器若往若來  
無顛無躓淫奢自戒厭殷帝之酒池游戲無虞恥  
丹朱之陸地鷁首翩然魚鱗北川映汾陰之寶鼎  
參漢武之樓船當秋風之擢楫候明月以扣舷載  
稟儲而奉國達方物以朝天可以通河渭可以溯  
涇瀍斯暫勞而永逸將冠古而爭先且知君子攸



作務於遠大美利  
 濟巨川之功史不  
 爲衣兮蕙爲帶鼓  
 夷猶區域之外願  
 一涉於龍門接神僊之嘉會

拱辰樓賦

有序

明督學 陳 棊 鄂陵 人

晉陽城之中有譙  
 通採木結構爲之  
 樓樓然故曰樓顧  
 士者每有思君戀  
 哉生魄大司馬中  
 率藩臬闔司開讌  
 佔畢作斯賦焉賦  
 晉陽舜分州爲并  
 巽巽兮奠闔闔之  
 乎太行上摩青蒼  
 棟走拱兮層檻脩  
 疏而四面兮簇葩

樓巖嶢宏闊高入雲表古譙譙  
 故曰譙焉樓重物也高明觀遠  
 樓之北面舊榜拱辰者以官斯  
 闕之懷乎丙辰歲清和既望月  
 丞麓泉王翁以節鉞督撫之暇  
 茲樓余寫同席忠赤之懷僭庸  
 曰瞻茲上之形勝兮擅名區曰  
 冀兮周建國而爲唐起雄樓之  
 中央右遠矚乎大河兮左平挹  
 於寥廓兮下壓坤厚之無疆浮  
 析鈞心抱角兮繡棟雕楹列綺  
 井而曾懸既像九天之雲垂下

兮尤類海邊碣石  
 景而凌煙北迎風  
 乎節堂之下兮而  
 屬清和四民安堵  
 麗翁司馬栢堂主  
 絲竹少焉揖讓洽  
 軒楹而遐視覩夫  
 園陞鱗次平臯衍  
 方山嶙峋頂若冠  
 轅戰勝之跡入晉  
 廟古栢寒煙南望  
 蔭虧蔽光曦陂渠  
 之祠剪桐封命瓜  
 所關危巖絕岫千  
 孟門之波而稍息  
 底績傷哉萬姓之  
 岡阡塚纍纍晉臣  
 長界闕鳳門迤邐

之鬼然齊晨霞以疊極兮攀倒  
 而立觀兮瑩秀出於中天屹對  
 迥闕於督撫之前時維首夏氣  
 千里謳歌紫山塵靜青海無波  
 人迺張禮筵率賓屬萃冠裳命  
 悅盃觥交至倚睥睨而遊觀登  
 山翠四圍泉流雙洎岡阜蜿蜒  
 以如席蔚桑麻而列幟東望則  
 經透蛇起伏北向阪泉是乃軒  
 文之夢而開霸業之先千秋祠  
 則龍山之下晉水源斯栢相奉  
 互注霧走雲隨傍有叔虞唐君  
 陔靡隳西望則呂梁之山大禹  
 仍崩崩洪流盪激聲振天墟殺  
 猶如千駕之雷車非賴九載之  
 爲魚北望則石嶺之外九原之  
 之良有句注之險阻陰館之途  
 龍荒而翹首雲中之冥杳猶如



昔日群鵠之翱翔近望則汾流右遶而拖帶晉山  
 西倚以張屏烈石巉岩寒泉鳴咽宛如竇大夫之  
 遺靈而萬竈青烟千塘粉雉尚存尹君保障之形  
 百姓時雍四表光被尤深仰乎堯世之咸寧柏臺  
 主人逡巡降席周旋出戶步至北極顧謂賓屬曰  
 諸君之覽眺真有遙吟俯暢思古慨今與登臨送  
 日者異矣試隨吾手所指極目於層漢之表翹首  
 於五雲之際大有可仰觀者乎彼三殿雲連上摩  
 蒼灑雙闕日麗傍峙金莖應紫垣之正位連瑤光  
 與五繩乃聖人端拱時內苑兮西清願泰階之黃  
 閏兮及勾陳太微之皆平撓捨頓落兮熒惑消明  
 庶臣子輸忠之念兮借當時樓扁之嘉名薇省賓  
 屬訥然一人趨而進曰人道貴兼乎忠孝彝倫同  
 重乎君親聞有梁公卓哉偉人登太行之高嶺望  
 白雲而思頻余家近乎河陽今先廬在乎洧濱離  
 庭闈之四載兮尤馳想於斯晨所以登茲樓也南  
 可望乎家山北遙瞻乎帝國效子牟而志願陳力  
 感仁傑而亦動悽惻既切戀乎佩辰之前亦懷念

乎萱闈之側是以余情恒注於望雲回首九先平  
 拱極

晉國賦

明尚書 張鳳翼 代州人

粵若稽古晉國廣袤麗於黃墟阻三河於碣石實  
 禹貢之中都輪逶迤其磅礴經曼衍以平鋪達康  
 寗而九達亶天造之雄圖爾其昂畢躔墟參辰應  
 隩滙以揚紆靡以大陸藝以燭龍犄以鉅鹿北埭  
 沆瀣水陸歆吞蒼虬左抱白菟右蹲泣武聳蠹鶉  
 火迴翻誠風氣之所宅而扶輿之所庇於是東跨  
 齊疆南連楚域西距三秦北窮五國以天門日觀  
 為儲胥以雲夢漢陽為朱闔以紫淵華嶽為樊屏  
 以黑水青山為障塞控八紘封域以居尊羗何擬  
 乎彈丸之一幅其山則王屋夏屋龍門雁門三巖  
 三磴九箕九原纍頭傲斗壺口懸壘砥柱峻嶒而  
 倒滂大行截業以蔽矚又有銅鍬雷首姑射中條  
 岩峩參崑崙岷嶰嶰嶰嶰嶰嶰嶰嶰嶰嶰嶰嶰嶰嶰  
 而作鎮固方岳之所標其水則沁澮沔汾洮涂沁



涑滄溼瀉滂澗漳涅瀆嘔夷渠渙以敷濤媯汨泚  
融而鬻浚疏漱灑於龍渠澹澗泅泅於象谷又有桑  
乾獲澤嬰澗平田玉泉金泊石洞昕川汪洋澎湃  
連漪潏潏湯湯森森泃泃濺濺灌黃河以東注翁  
覃懷底績之暎其險則飛狐插漢巨馬洞峯羊腸  
九折龍首千尋僦建井陘之隘筭通句注之陰其  
勝則董澤盤盪呂梁噴薄峪止鳳凰樓高鶴鵠五  
髻現境於清涼四鎮宣威於毳幕其靈則祥開金  
鳳瑞應烏龍三峰王氣五日陰夢雩崇侯兮霍雨  
駐姪女兮停風其異則管涔神劍渥洼天馬朔雪  
層峨火山紺閭辣蜿蜒以衝冰壓踉蹌而負野其  
蹟則穀城菀菀鹿菀芊芊傅岩迤邐孔轍追邇闐  
矣西河之室蔚然綿土之田投筆之臺未圯煉丹  
之鼎猶煙此實上遊之寰寓既溥之幅頓也自是  
顯罔瀾漫載亭載范瑰麗以繁瓌奇以別擅萬物  
之晶華表千秋之殊絕則有并刀錦甲屈馬垂珠  
雲沙代赭澤錫遼復廣陽之鐵大鹵之金紛紛籍  
籍品品林林若夫冀北之煤連綿大麓斷斷呀岩

摩肩擊轂五方絡繹以躡涂萬壺所燠而轉粵河  
東之鹽漢決神齋皚皚晶晶羃羃鱗鱗佐園泉於  
九府通賈販於四隣又若上黨之壘大河之涘軋  
札相聞唵喞是比絢藻火與山龍噉鱗鱗及鱣鯉  
總興殖於埒區詎嚙嚙之能齒肆其陂塘滌灌漑  
通原隰墾稼穡同名園繞獵盛圃芬藁蔬則地藟  
天花霜芹雪藕鱉蕨鳧葵晚菘早韭芋薤萋葑麥  
象爰有行白玉於高門送青絲於織手穀則秬秠  
糜芑粳粳稻秠禾蔴荏菽一穗九莖植穉重穆如  
坻如京可以實倉箱而穀士女供俎豆以庀粢盛  
花則菡萏茶蘂姚黃魏紫芍藥薔薇金嬰玉藥薔  
蕾芳菲含香散葉蔽雲塢兮森森簇簇雕欄兮纍纍  
木則槐檀樺栗檜栢椿松桑榆柘屢杞柳桐楓參  
天溜雨蔓葑菁葱滋偃蹇連蹇之勢壯翬飛鳥革  
之雄果有紫李黃柑細桃白棗常山之梨安邑之  
棗馬乳稱猗氏之甘狸首美太原之好俱足以敷  
貢精英而發果蓏之瑤宅如白猓水鼠赤豹黃鼯  
麋茸貉腋龍骨離翹玉芝雲母紫石黃蓍亦莫不



荷那是產以蕃動植之奇至於雉堞雲橫雄關斗  
 絕玉壘金湯困圍喘岬軍州地勢以若宇縣犬牙  
 而列鼎峙受降之城延亘防邊之埒魚符所統什  
 伍蟬聯戈鋌壓地鼓角脛天矜礮礮碣礮駢駢  
 象譯寄鞞之屬靡不震而警焉幸有朱邱黃屏續  
 紛匝匝橋駕飛虹臺邀明月表以晉陽之宮祀以  
 汾陰之闕窮池館暨巖房清冷於不竭且也珠明  
 魏乘壁重秦城臺散伐山之穎圭呈拔樹之靈玉  
 馬璘瑋而顯异仙藤醜醜以旌誠此其著者餘物  
 難名進而求之光岳攸鍾文明鬱起人傑地靈儼  
 鑪續趾聲施鼎負之顏徽潤貧管之泚爾乃摹馳  
 獨往秀擷羣芳行純金錫操凜冰霜既鶴鳴而鴻  
 漸亦虎變以龍翔越倜儻其魁壘豈只尺與尋常  
 故語高曠則薇留孤竹之風松掛一飄之月逃三  
 聘於龜池隱十經於越傲世兮枕流辭榮兮蒔  
 藥猶聞張果還山王喬跨鶴俱蟬蛻平風塵而道  
 遙於雲壑文章則照綜史記滋接洞林詩託明河  
 之綿賦稱擲地之金中說數陳平名仗氣馳膚發

於靈襟蛛網燕泥指堂梁而振響落霞秋水度  
 閣以流音誰不照丹文而光綠牒穿月負以貫天  
 心其為望也忠著程嬰義推張老智決輔車仁昭  
 結草勒叩企於相如崇折巾於有道六龍騰祁藪  
 之輝三鳳煥河東之表殆煜乎垂景耀於春秋而  
 秘然播餘馨於品藻也至若孤憤激大節援誓九  
 死重一言灑龍逢之血遊雉經之魂伏鈕麈之觸  
 其豫讓之吞溫序啣鬚而抗劫呼延文體以酬恩  
 凡此剛方之氣亦已翻溟海而撼崑崙更有應運  
 風雲爭光鼎呂文揚黼黻之華武奮勛勳之舉若  
 三卻佐軍若五蛇從旅若筴效和鄰若筆稱良史  
 若狼暉之突陣摧秦若羊舌之周知敖楚成斌斌  
 乎麟鳳之儔而洗洗乎干城之侶猶未也六卿既  
 大三晉遂分嗟以羸燼蒸以漢雲唐風之所被朱  
 德之所薰其間師師穆穆濟濟芸芸如信陵率五  
 國之師平原高十日之飲侯羸收臥內之符毛遂  
 脫囊中之穎趙奢解闕于之圍陳筮告華陽之警  
 衍儀前席夫六王頗牧披鋒於四境斯亦畸矣孕



是雋采星馳雄飛電掣西京衛霍之軍功東晉裴  
 王之相業狄梁與薛史同標司馬泊王楊金轍秉  
 綱建日於無疆騎尾歸天壯河山於不莫  
 繫何代乎無人亦何人之非傑又其盛也晉文復  
 國趙武爭盟韓昭脩術魏惠徵兵汾澗狐鬼之磊  
 落沙陀亞子之崢嶸當其時屬車秣馬斬藿披荆  
 叱咤則飄霆改色指揮則參井無精莫不業業  
 赫碎碎轟轟夫非一世之雄哉然猶偏伯耳蓋嘗  
 覽輿地按冀方歷蒲坂溯平陽弔伊耆之休爍追  
 姚氏之烈光則見堯天永位舜日常熙四方以宅  
 七政以釐九州以奠百穀以宜五品以序三居以  
 夷八風以暨六府以治封十有二州之鎮弘萬有  
 千載之基迄于今士尚謙恭民多醇古恍不識不  
 知之畔一讓畔讓居之度去華從儉則素題越席  
 之遺也憂深思遠其暑雨祁寒之故乎於皇哉唐  
 虞作對夏殷繼昌神臯腴藪鬱乎蒼蒼雖巨鎮雄  
 都未敢望也而何  
 有於解壤要荒



是為采星馳奔電擊西京衛霍之軍攻東晉  
王之極業伏采與薛安同標司馬泊王揚金徽  
緊何代乎無人亦何人之非傑又其盛也晉文  
國趙武平盟韓昭脩術魏惠發兵汾澗狐鬼之  
落沙陀亞子之崢嶸當其時屬車秣馬斬藿披荆  
叱咤則飄霆改色指揮則參井無精莫不業業  
焚碎研轟轟夫非一世之雄哉然猶偏伯耳蓋嘗  
覽輿地按冀方歷蒲坂溯平陽帶伊晉之休燥追  
姚氏之烈光則見堯天未位舜日常照四方以宅  
七政以釐九州以其百穀以宜五品以序三居沈  
夷八風以習六府以治封十有二州之鎮弘萬有  
千載之基迄于今士尚謙恭民多醇古恍不識不  
知之冊一讓呼讓居之度去華從儉則素題越席  
之遺也憂深思遠其暑雨祁寒之故乎於皇哉  
虞作對夏啟繼昌和畢腹藪壽乎蒼蒼雖巨鎮  
都未敢望也而何  
自必於壤要荒







